

الفقيرة المحظوظة



تم تحويل هذه الرواية الى Pdf

بواسطة موقع ايحي فور تريندس

<https://www.egy4trends.com/>

فقت ليوم على سرسار ديال ساعة دجاجة لي جبت

معايا من البلاد .. مع ختكم ماعندهاش تليفون

للأسف كانقول تايصيفط ليا با لفلوس ونشريه ان
شاء الله ... خرجت من بيتي كانتكسل فسطح
وجيت بغيت نطل على الحياة المشرقة لي كاتسناني
فهاد المدينة ساعة مالقيت قدامي غير المقبرة
الحزينة احم احم تكمشت ودخلت لبيتي باش نفطر
وفطور كان كالآتي جوج حلويات لي بقاو ليا من
صدقة ديال المرة لي فاتت دوزتهم بواحد كاس الما
ولبست حوايجي وخرجت.. وفالباب تلاقيت مع
خالتي سعيدة مترو وسبعين فطول علاش قلت
ليكم طولها حيت راجلها سي عيسى طولو مترو
وربعة وخمسين كايجيوني كوبل متناقض هي
بخيلة وهو كريم هي عزيز عليها تبروفيتي فعباد
الله وهو على نيتو مسكين هي حيوية واجتماعية

وهو كایدوز وقتو مع الموتى كتر من الأحياء وواخا
هادشي مفاهمين واخا ماكايتشابھوش ولكن
كاكملو بعضياتهم - خالتي سعيدة : صباح الخير
أمسيسي - سميتي ميس أخالتي ميس مايس
مالايس - ماعلينا كي ميس كي ميسيسي .. قولي ليا
سمعت شيشوار عندك لبارح بليل؟ راكي
ماكاتخلصيش ضو باش تسفيه لينا - داخلنا عليك
بالله أخالتي واش شعري باينة عليه حالة شيشوار -
بصح شعرك خاصو غازيزوار هههه - لسانك اخالتي
سعيدة جرح زيزوار .. شي حاجة واخرى قبل
مانمشي ؟ مشيت وخليتها دزت على سي عيسى
فروضة قاد ليا المزاج لي خسرو ليا العجاج ديال
مراتو ..تاناود ليكم مع زكريا لي وصلت عندو لقيتو

جالس خاشي وجهو فالبيسي باينة جالس كايكذب
على عباد الله فالفايسبوك كي عادتو - هو : صباح
الخير ألفتيرة المحظوظة - صباح النور يالفقير
الحقير ... شوف هاد ١٠٠٠ ريال كي كاتبري يالاه
خارجة من البانكة نيشان ليد لالة ميس - منين
جاتك على صباح ؟؟؟ - نعاودها ليك كي الخرافة
وانا جايا للخدمة هاد صباح عيط ليا سي عيسى
قاليا سيري عند داك المرأة لي واقفة عند داك القبر
.. مشيت عندها كانت مرأة كبيرة باينة عليها
ماقارياش .. قالت ليا بغيتك تقراي شوية ديال
القرآن على ولدي الله يرحمو.. قلت ليها مرحبا انا
أصلا واخدة الجائزة الأولى فتجويد القرآن ملي كنت
كانقرى فسادس صوتي ماشاء الله عليه داير كيف

البلبل - ماشي كيف الببغاء ههه؟؟؟ - كايقولو بلي
الى ماكنتيش غاتقول شي حاجة حسن من سكات
غير سكت - هاهو ساكت ههه ايوا كملي - مهم
قريت ماتيسر من القرآن الكريم ومدات ليا ٤٠٠
دريال .. قلت ليها بالحرام عليا مانشد شي ريال
حيث قريت القرآن أنا ماشي بياعة وشرايا .. ربي بغا
ولدك ويسيرني نقرأعليه القرآن ... ولكن الى كنتي
مصرة غاناخذها كصدقة على المرحوم .. شافت فيا
وجمعات ٤٠٠ دريال وجبدات ١٠٠٠ ريال ومداتها ليا
.. الحمدلله حيث ربي يسر لنا الخير فبعضياتنا -
زهرك نابت فالقطن ماشي بحال زهري نابت
فالغيس ديال شي مستنقع غارق - ماتقولش
هكاك ماحدك متفاعل وكاتحسن ظن فالله ربي

كايزيد يعطيك «لَيْن شَكْرْتُمْ لَأَزِيدَنَّكُمْ» - ونعم
بالله ألفتيرة المتفائلة ... براكة ماتشوفي فداك ٥٠
درهم راها غايقتعوها عينيڪ - اول مرة يعطيني
شي حد هاد الفلوس كاملة .. كانحس براسي في
طريق الثراء هه مهم بدينا كانخدمو هو كايخرج
البحوث لتلاميذ اما انا الى جا شي حد كانعطيه
الورقة بحالا راكبين فالكار هه .. وكاندير حتى
فوطوكوبي .. وصلات الوحدة وقت الغدا عرض عليا
زكريا نمشي نتغدا معهم فدار وانا سمعتو سيديتي
المعهودة - واش يسحابك أنا يالاه حطني الكار .. أنا
راه هادي شهر باش حطني .. نمشي معاك نتغدا
حتى نصدق مودنة عليا العشا ... انا قالت ليا مي

ماتيقي فحتى قندوح - صافي صافي ندمتينا الله

يعطيني تونية الى عاودت حشيتها ليك

———— Part Break ————

ي... الجزء الثالث دازت شهر على فاش جيت

المدينة .. واخا توحشت دارنا ولكن بديت نولف هنا

.. ليوم هو يوم مميز بنسبة ليا شحال حلمت بيه

وليوم تحقق .. هاد نهار غادي نبداو القرايا وأخيرا

غانتحول من تلميذة فثانوية للطالبة فالجامعة..

حسيت براسي فخورة بيا وبلي كاع بنات قريرتنا

حتى هما غايكونو فخورين بيا .. واخا أغلبهن تزوجو

وماكملوش ولكن أنا غانتبت لأي واحد قال البنت

ماغاتفيدها لقرايا بوالو بلي غالط..مهم بلامانطول

عليكم فبلابلا .. مشيت للجامعة هادي ماشي أول

مرة نشوفها حيت فايت ليا جيت تقيدت فيها ولكن
أول مرة ندخل للقاعة المحاضرات ناااري شحال
كبيرة وشحال عامرة بطلبة لي لابسين مزيان بحالا
ليوم العيد انا بطبعي ماكاتهميش المظاهر ولكن
راه بزاف على تفركيس ههه ماشي كلشي طبعاً
ولكن الأغلبية وانا مزالا مدهولة دخل الأستاذ
المحاضر لابس الكومبلي مع الكرافطة جلس وبدا
كايهضر معنا فالميكروفون .. واخا كان احساسى
بالدهشة طاغى ولكن مانقصش من احساسى
بالفرحة دوزت جوج محاضرات رغم انهم كانو طوال
ومليئين بالمعلومات إلا أنني محسيتش بيهم حيت
عزيزة عليا القرايا .. تعرفت على جوج بنات رباب
وجيهان بانو ليا ضريفات هما بقاو يتغداو فلافاك

اما أنا خرجت مشيت للمحطة حيت با مسيفط ليا
الفلوس مع الكار غادة فطوبيس وكانفكر شنو
غاندير بيهم أول حاجة غاندير غانخرج من الخدمة
حيت بغيت نركز على قرايتي ثاني حاجة غانشري
الكتوبة ودفاتر ثالث حاجة غانتقدا للشهر ومانبقاش
ناكل فالجنازات والصدقات رابع حاجة غانخلص لكر
والى شاطت ليا شي حاجة غانفركس بها راسي أما
تيليفون حتى نشد فلوس المنحة مهم بقيت
كانبني ونعلي حتى جا الكار المقصود .. الله
ماقاداني فرحة غانتهنى من جميع مشاكلي المادية
ههه - شيفور ديال الكار : هاكي أبنتي صيفط ليك
باك هاد ١٠٠ درهم هاد الجملة بكترة ماتعاود صدى
ديالها فراسي تريبو ليا كاع أهدا في لي هادي شهر وأنا

أطمح ليهم .. ماعرفتش كيفاش وصلت لدار لقيت
سي عيسى عند الباب خلصتو فكراه وطلعت لبיתי
توضيت وصليت ودعيت الله يفتح ليا شي باب
ديال رزق من حيث لا أحتسب والحمد لله ربى كما
ديما استجب ليا وهاد المرة بسرعة البرق .. انا
براسي مزال مامتيقاش أشنو طرا ليا ولا حتى
كيفاش طرا مهم نعاود ليكم ملي نوصل لسيبير -
زكرياء: مساء الخير أ طالبة الفقيرة - أنا: مساء النور
ألفقير المقهور هه - كيداز نهارك لول فلافاك ؟ -
كي وجهك ههه - رغم أنني جميل وبوگوص وتيتيز
حسيت به داز خايب - هههههه لا لا والله الى زوين ..
حسيت براسي بحالا داخله للكوكب آخر ... غادي
نولف ان شاء الله - كايعجبني التفاؤل ديالك ..

ولكن كنبشرك من دابا بلي غايدوزو عليك فيها
سنوات عجاف هههه - محطم الأحلام ههههه -
هههه الفرحة لي على وجهك شنو سببها ؟؟؟ حيت
حاس بيك شوية وتبداي تنقزي هه - غير نقز
وصاف؟؟ انا ماكرهتش كن كانو عندي جناح ونطير..
نعاودها ليك كي الخرافة تاهادي هه... كنت مهمومة
ودزت من حدا الروضة وبانت ليا واحد المرأة
كاتبكي حدا واحد القبر وقلت نمشي نواسيها
ومع كان قلبي طايب مالقيت مانقوليتها وبديت
كنبكي معها .. هي تبكي وأنا نبكي حتى خويننا
قلبنا من بعد قالت ليا بلي ترزات فبنتها فنهار
عرسها وعادت ليها تا أنا على همي .. ولمحاسن
الصدف تابنتها كانت كاتقرا القانون قبل ماتموت و

بلي مزال فبيتها كتوباتها كما خلاتهم .وقالت ليا الى
بغيتيهم يالاه معايا نعطيهم ليك .. صراحة فلول
خفت نمشي معاها ولكن توكلت على الله ومشيت
معاها .. تخيل عطاتي غاغ الكتوبة غاغ الملخصات
ديال جميع سنوات .. زيد عليها عطاتي حوايج
بنتها والبيسي ديالها وعطاتي حتى تيليفونها
مافيهشش لاكارط طبعا ولكن باقي جديد كانظن
بنتها شراتو اخر اصدار حيت واخا ماتت هادي
عامين ولكن راه حسن من تيليفونك أزيكو ههه
سمح ليا على هاد الكلمة ولكن هادي هي الحقيقة
هه - الفقيرة المحظوظة عندك زهر كايهرس الحجر..
ولكن واش ماخفتيش تستعملي حوايج وحدة
ميتة؟ - علاش زعمة؟؟؟ - اممم (قلب الموضوع)

بنتها ماتت هادي عامين وعاد صدقات حوايجها
ماجاتكش غريبة ؟ - قالت ليا ما لقاتش شخص
المناسب وأنها مهما احتافطات بأشياء بنتها غايجي
الوقت لي تفارق معهم كيما تفارقات مع بنتها اللهم
تعطيهم لواحد محتاجهم .. بيني وبينك كانوا
كايتسناوني نجي ههه - هههه ايوا بالصحة والراحة
يدخلو عليك بالفرحة والهنا - شكرا أزيكو - هانية
أميسو هه

———— Part Break ————

ي... الجزء الرابع خرجت من الخدمة ومشيت
كنجري لدار وانا ماقاداني فرحة .. لقيت الأشياء لي
جبت كما حطيتهم .. حرت شنو نشوف لول

لداكشي صليت جوج ركعات حمدت الله فيهم قبل
ومن بعد بديت كانشوف الكتوبة هما لولين حيت
هما الأهم لقيتهم كلهم باسم إشراق القباب نفس
اسم القبر لي كانت كاتبكي عليه داك سيدة .. كانو
مرتبين بالأعوام وباينين باقين جداد باينة بلي اشراق
الله يرحمها كانت مرتبة فحياتها وبلي كانت مجتهدة
.. وحتى أنيقة حيت حوايجها لي شفت من بعد
خلاوني غير حالة فمي .. ملي قيستهم حسيت بلي
ماشي أنا .. تقول الحوايج لي لبسوني ماشي أنا لي
لبستهم هه..فلول حسيت بالفرحة ولكن من بعد
طاح عليا ضيم وحسيت بتأنيب الضمير حيت
هادشي كلو فالأصل ماشي دياالي واشراق كن
ماماتش كاع مايكون عندي هادشي .. بصح ربي لي

كايزرق ولكن مشاعري تخربقو فهاد اللحظة
لداكشي قلت نصيفط ميساج لذكريا بنمرتي جديدة
نقاد بيه المجاج حيت هو الوحيد لي كايضحكني
الحولة هي - Hola : هو - salam : فهاد المدينة - أنا
عينك اليمنية - سومية شحال مرة قلت ليك بلي
انت هي لب عينيا .. وهاد نوامر لي كاتجربيني بهم
كل مرة ماعندهم حتى معنى حيت أنا كانبغيك غير
انتيا - هاي هاي على القافية .. شكون سمية أسي
ذكريا ؟ - على ماشي نتيا سومية ؟؟ - لا أنا حورية
من سعيدية - أطيب ناس هما ناس سعيدية ..
ماقلتيش ليا شحال فعمرك أزين أأأحورية؟ -
أنوض تحرك عليا الله يعطيك تونية وبأاااز شحال
ماكاتقضاش - آآآه ميس هادي ؟؟؟ عرفتك والله

الى عرفتك غير بغيت نشد فيك - تشدك جنية
وتهرس ليك راسك بطوبية - سبحان الله لسانك
كايتطلق فشاط .. أجي تعشيتي ؟؟؟ - لا مزال -
اجي دابا لزقة المرابطين تلقايني حدا الخزانة د
العرس بزربة قبل مايفرقو العشا سمعت عرس
نیشان طاح ليا فبالى الدجاج المحمر ولحم
بالبرقوق.. معدتي مسكينة طابت بكسكسو ديال
الگنايز.. خرجت كنجري مارديتش البال حتى لشنو
مزال لابسة .. فرمشة عين وصلت لزقة المرابطين
دخلت للخزانة لقيت زكريا شاد ليا حداه بلاصة
فطبله جلست بزربة .. حيت العريس والعروسة كانو
دايزين باش يمشيوا يبدلو .. الغريب هو أن العريس
والعروسة بداو كاشوفو فيا مصدومين .. نااري

ياربي عنداك يسيقو الخبر بلي مامعروضاش
ويجريوا عليا ..مرت داك ثواني لي بداو كاشوفو فيا
كأنها أعوام ناااري حسيت بالإحراج .. زكريا بدا
كاكحز عندي كايخبيني حتى دازو وبدا كايضحك
من بعدها.. وبدينا كانهضرو بتوشويش - هههههه هو
ضروري ماكان عليك تلبسي هاد لباس فهاد العرس
بدات هههههه - (عاد حنيت راسي نشوف شنو
لابسة .. لقيت بلي مزال لابسة واحد الكسوة ديال
اشراق لي كنت كانقيس) على أش فيها ؟؟؟ -
وتلبسي لباس الميت فعرس باغا تسدي لينا
شاهية ههه - باش عرفتيه لباس ديال ميت ؟ -
خودي كارطونتك ديال الحلوة خبيتها ليك - اووووه
شحال كيوت بدا كاشوف فيا بتعجب لونو تخطف

قال بسم الله الرحمن الرحيم ودور وجهو .. من بعد
خطو العشا كليت حتى صافي معدتي عمارت .. الله
على نهار شحال زوين صباح كان ما عندي حتى
حاجة ودابا لابسة مزيان وواكلة مزيان وبالي مرتاح
الحمد لله يارب خرجنا أنا وزكريا قبل ما يسالي
العرس ومع كان ظلام قاليا يوصلني وبقينا
كانتمشاو وكانهضرو - ناااري بكثرة ما بداو العروسة
والعريس كايشفو فيا قلت دابا وهما جراو عليا
ههه - هههههههه ماتخافيش ماحدك معايا مكينش
لي يجري عليك ولا يأذك - هاي هاي على سومية
الرومانسية هههه - ناري غير لبستي هاد اللباس ولا
لسانك طويل هه - قالك اللباس زوين كايزيد الثقة
فالنفس هه - عنداك غير تمشي تسكنك مولاتوه

فراسك بلي العروسة كانت صاحبته والعريس كان
كايبغيها ولكن هي گاع ما كانت كاتشوف فيه حتى
شوفة ملي ماتت بداو كايواسيوا بعضياتهم حتى
طاحو على زنافرهم وتزوجو هه .. كن كانت حية
عمرهم يحلمو بهاد نهار .. عرفتني ملي دخلتي
كلشي يسحابو هي .. وتا انتي مادخلتي غير وجهك
لوجههم هههههه طيحتي منهم نص - اويلي أنا دابا
لي طيحتي مني نص وربع .. واش هادشي بصح
ولاغير كاطنز عليا - بصح - اجي واش انت
كاتعرفها؟؟؟ - كنا كانقراو فنفس الجامعة - هي
باش ماتت ؟؟؟ - غير قلتي باش ماتت وحنا نوصلو
للروضة بسم الله الرحمان الرحيم أنا مسلم وطالب
تسليم - هههههه أجي واش كاتخاف من روضة - لا ..

لا .. أناااا لاااا - ومالك كاترجف ؟؟؟؟؟ ماكملت
هضرتي حتى هرب سيد ههههه - أنا : وااااا شكر ااااا
على العرس كنظن گاع ماسمعني حيت بعد .. نيت
تا أنا ضرت دخلت لدار ... بزب باش طلعت فدرج
حيت معدتي كانت متقلة عليا - زكرياء : ماعرفت
علاش كانحس براسي وصلت اشراق لقبرها بسم
الله الرحمان الرحيم بسم الله الرحمان الرحيم بسم
الله الرحمان الرحيم

----- Part Break -----

الجزء الخامس دازو ليامات بديت كانولف لافاك
..كنت كانقرا غير صباحات وكنخدم فالعشية وهاكا
ولا عندي روتين محترم كانمشي عليه فحياتي ..
تقيدت حتى فواحد المكتبة كانمشى ليها كل سبت

فصباح كانقرا فيها فابور ...نيت أنا دابا فيها كنت
بديت كنقرا واحد الكتاب ديال مدخل للقانون
الوضعي حتى سمعت شي حد عيط اشراق وانا
ندور بحالا تعيط عليا .. وهي فالحقيقة كانت بنت
كاتعيط لصاحبها .. الغريب هو أنني مع دورة
كانلقى واحد الراجل كايشوف فيا وجات عيني
فعينو .. ناري حسيت بالإحراج وبحنيكاتي حمارو ..
دورت راسي فالبلاصة وانا كانقرص رجلي باش ما
نعاودش ندور على شي سمية ماشي ديالي ..
وصلات ١٢ ..خرجت من المكتبة ومشيت لواحد
سناك تغديت ببوكاديوس ديال ٥ دراهم .. ومشيت
لسيبير لقيت زكريا تا هو يالاه جا صابح خامر كن
يحصلنا باه بلي حالين حتال دابا ينفيينا

لبوركينا فاسو ههه - هو : سلام ألفقيرة المحظوظة -
وعليكم السلام أسي زكريا - اسبحان الله شمن
سي زكريا - قلت نعط ليك بسميتك باش تبقى تا
انا تعيط ليا بسميتي .. أأأأو ملي جيت لهنا نسيت
سميتي بسبابك .. وليت ندور على سميات ناس
لوخرين - كيفاش؟؟؟ - نسا - ماعرفت علاش حاس
بلي كاين شي موضوع شيق من ورا هاد نسا ههههه
هو : أش خبار - (pc) كانهضرو وحنّا محنيين على ل
لافاك؟؟ - لباس كاتسلم عليك - تف تف الله
ينجيني منها دوزت فيها ٦ سنين عجاف - هههه
انت ٦ سنين خديتي فيها الإجازة .. علم الله كن
بغيتي تاخذ دكتوراة شحال غاتجلس - هادي ميس
المتفائلة ولا اشراق المستفزة لي كاتهضر؟؟؟

ماتبقايش تخلعيني انا معاك بالله وبالشرع - وراه

انت دابا لي كاتخلعني أزمر - زمر؟؟؟ عمرك قلتي

زمر؟؟؟ - وراه غير كنولف شي حد كنضسر عليه

أزمر .. خلينا من هادشي عرفتني كايقرينا واحد

الأستاذ تقول خارج غير من تلفازة غاع البنات

مزعوطين فيه .. عرفتني عندو واحد الكاريزما واحد

صوت واحد طلة وواحد البرفان كايدير يا زكريا طيح

زرزور من فوق سور .. عرفتني الحصة كاتكون بلان

...ومايمكنش تسالي عندو الحصة بلا مايتمعو

عليه البنات فالبيرو فلخر - شنو سميتو ؟ -

كايعيطو ليه بروف تنوري - مكانش فعاهدنا .. جديد

واقلة - أول عام عندو فلافاك - هدا نوع هو لي

غايهجرو ليكم فالنقط .. أجي ياكما تا انتي مزعوطة

[illegible]

على هدي النبيل أنني نولي محامية وندافع على
الفقراء بحالك - صافي صافي ندمتيني بالفقيرة
القروية قلت غدا الأحد ماعندك مايدار نديك تعرفي
على المدينة ولكن انتي أوجه الفقر ماتصلاح ليك
غا الروضة - الروضة هي لي غاتجمعك ملي تولي
جثة تعيا مادور أخرتك غا قبر .. على أي شكرا على
العرض ديالك المرفوض رفضا قاطعا وبأثا كملناها
ضحك وسالينا الخدمة وكل واحد مشا لدارو .. أنا
مع دخلة تلاقيت مع خالتي سعيدة وسي عيسى
عند الباب - خالتي سعيدة: بنتي مسيسي لباس
عليك؟ واش عمر شي حد تخلع من كلمة لباس
عليك .. والله تا انا تخلعت منها حيت خالتي
سعيدة لي كاتقولها - هي : سمعي أبنتي مسيسي أ

أأ ميس .. انتي عارفة بلي ليوم السبت .. والسبت
كا يكونو العراسات وانا وعمك سي عيسى
معروضين لواحد العرس .. ومن العائلة المقربة
مجاتش مانمشيوش - أنا: (بحماس) هههه غاديوني
معكم (فرحت) - هي: لا لا ماشي هكاك .. دابا ملي
يمشي سي عيسى العرس مكاينش لي يحضي
الروضة .. وراكي عارفاه مايدوزش ليا ربع ساعة
فلعرس وهو مخلي روضة بوحدھا .. لداكشي قلت
ليه بنتنا مسيسي والله اما تردها فوجهنا - أنا:
كيفاش شنو المطلوب مني ؟ - هي: غاتحضي لينا
الروضة غير على مانرجعو من العرس ...وماتقوليش
بلي حنا استغلاليين نقصو ليك ٤٠٠ من الكرا
وعشاك هاد ليلة نجيبوه ليك من العرس - أنا:

ومعاش غاتمشيوا ومعاش غاترجعو ؟ \ - هي: مع

٩ ديال ليل وقبل مايودن الفجر تلاقينا رجعناااااااا -

أنا: ياك غير غانحضي الموتى صافي؟؟؟ .. واخا صافي

مشات .. مكاينش لي يتململ مكاينش لي يتزعزع

هه

———— Part Break ————

الجزء السادس : ليلة في المقبرة وصلات ٩ ديال ليل

مشا سي عيسى ومراتو للعرس وانا بقيت فروضة

من بعد ماتسدات الباب حيت زيارات الأحياء سالاو

..جلست فجهة ضو حدا القبورة ديال دراري صغار

حيت بصراحة واخا حاسة بالخوف هادي هي جهة

الوحيدة لي كنحس فيها براحة حيت عارفة بلي هما

ماعندهم حتى ذنب وكلهم غادين للجنة ان شاء الله

.. تفكرت جده ملي كانت كاتعاود لينا على العيالات
ديال زمان كانو فين ما كاخرجو من ديورهم يا إما
حيث دابزو مع رجالهم ولا جراو عليهم بليل ..كانو
كايمشيوا يباتو فالروضة على مايطلع صباح حيث
فيها الأمان .. بصح ماعمرو كان فراسي بلي
المقبرات عندهم عساس .. واش كايتخباو فشي
بلاصة ولا غير حيث هاد المقبرة جات ماخارجاش
على المدينة وبقا جديدة لداكشي عندها حارس
...ماعلينا خصني نقول لذكريا يزيد ليا هاد الخدمة
ف سيڤي هه وانا مزال كانفرس ملي كانتخيل ردة
فعلو .. حتى سمعت شي حد نقز من سور لوراني
نااااري قفزت هزيت العصا و الكابوس ديال ضو
لي خلا ليا (Taser) (المسدس الصاعق الكهربائي

سي عيسى ومشييت كانتسلت بشوية وانا رجلي
بزز باش كايتحركو بالخلعة لي شداني .. بديت كنطل
من ورا واحد الشجرة بان ليا راجل فالتلاتينيات من
عمرو كان كايقلب بين القبور فواحد لحظة نزل
الأرض حدا واحد القبرديال واحد المرأة يalah تدفنت
وسبحان الله الخلعة لي كانت فيا رجعات شجاعة ..
ماحس براسو تا خبطتو بزرواطة على ظهورو - أنا :
(بصوت مليء بالحزم) اش كادير هنا المسخوط ؟؟؟
- هو : توحشتهاااا (كايبيكي ويتمخصص) - أنا:
(بالتعجب) شكون هيا ؟؟؟ - مراااتي - (شفت
فالقبر وشفت فيه) وهاد مراتك تزادت ف ١٩٤٠؟؟
عرفني عقت بيه وهو يغفلني هجوم عليا ... بغيت
نضربو بالكابوس ديال ضو وهنا أنا لي شوأني ضو

ملي عرفتو كاع ماخدام ..سي عيسى كان غير
كاixel بيه الشوافات ... والمشكل الكبير هو ملي
عرفو حتى هو.. رجعنا كي سبع مع الغزالة .. شدي
قجني من عنقي ..ناري مشيت فيها وبالخصوص
ملي ابتسم ابتسامة الانتصار قلت هادي هي لخرة
ليا .. ولكن القدر الحمد لله كان مزال ماقالش كلمتو
الأخيرة .. جا واحد الراجل كي درهم دالحلال يكون
فأواخر الربيعينات أوائل الخمسينات ماعلينا كان
لابس الكحل ومغلضم .. دخل فداك المختل بواحد
البونية طيحو بيها للأرض وهو يتبعو بدا يعطيه
فضراي حتى دخلو فكومة .. عاد ناض عندي ..كنت
مرتاحة ملي كان كايعطيه ولكن ملي ناض عندي
شداتني قفقافة خفت غالاتكون هادي نوبتي ..

ولكن صوتو رزين هديني - هو: واش لباس عليك ؟ -

ش ش ش شكون انت ؟؟؟؟ - صاطفني سيد لي

مكلف بالمقبرة نحضي معاك - (عاد حسيت

بالراحة) سي عيسى كنت عارفاه مايخلينيش

بوحدي .. كنت عارفاه غايحسبني بحال بنتو .. الله

يكثر من مثالك ومن مثالوا عطاني نشرب وجاب ليا

الكرسي نجلس باش نسترجع أنفاسي - هو:

مكانش عليه يخلي بنت بوحتها نحضي مقبرة -

ولكن راه صيفطك ليا انت ؟؟؟ - على أي ..

ماتبقايش تخليه يستاغلك - ماستاغلنيش راه قاليا

غاينقص ليا من فلوس الكرا .. وها انت تا انت

حاضي معايا - (قالها بالحس) مكلخة وحنا

كانهضرو سمعنا لغوات من قنت أخور .. ولايني ليلة

هادي .. لول كان مريض نفسي .. ثاني كان شمكار

مبوق غاكيهتت .. أنا مع الخلعة لولى شداتني

السخفة ماقديتش تتململ .. السيد لي كان معايا

الله يجازيه بالخير هو لي مشا تكلف بيه .. وانا

جالسة كنتسنه يرجع بديت كندور فعنقي حيت مع

كان قاجني داك المختل حسيت بيه تكوفر .. وانا

مزال كاندير لعنقي المساج حتى بانث ليا واحد

مولات جلابة كاتنبش فواحد القبر .. واينا قبر كان

ديال اشراق .. حيت ماتت مزالا بنت كايتهتابر قبرها

همزة للشوافات ... مشيت عندها هازة زعمة

الكابوس ديال ضو وكانعيط لسي عبد الجبار أنا أش

عرفني سميتو راه غير بغيت نخلع به زمر .. وهي

نيت تخلعات جمعات دغيا الوقفة ولكن قبل

ماتهرب قالت واحد الجملة عليا وعلى اشراق
خلاتني مبلوكية .. حتى حسيت بشي حد حط يدو
على كتفي من لور قفزت كنت غانسخف.. الحمد لله
كان غير سي عيسى رجع من العرس كن زاد تعطل
شوية كن لقاني ودعت .. أنا يسحابني غانحضي غير
الموتى ساعة طحت فأخطر المجرمين من الأحياء ..
من بعد مارجعت النفس عاودت ليه على أشطرا -
سي عيسى: ولاد الحرام عرفوني مكاينش هاد ليلة
عليها بغاو يديرو سيبة - أنا: والواجاب الله خلיתי
داك راجل يحضي معايا أما كن راني دابا في عداد
الأموات - سي عيسى: (بتعجب) اينما راجل؟؟ أنا
ماخليت حتى راجل معاك هنا طلعات معايا
تبوريشة .. بديت كاندور نقلب عليه مالمقيت حتى

واحد .. لا شمكار لا المغتصب الحگار ولا سي عبد

□□ الجبار ممكن نجمة منين تقرأو

———— Part Break ————

ي... الجزء السابع جا الأحد لي كنت ناوية نستمتع
بيه دوزتو كلو فراش .. شداتني تبوريشة والقفقافة
والسخانة كلما كانقول نهز راس كانعاود نحطو ..
شحال صعيب تمرض وماعندك لي يقابلك ..
عائلتك كلها بعيدة عليك وانت فمدينة ماكاتعرف
فيها حد والله الى حسيت براسي فالغربة وخا راني
غير فالمغرب .. واقلة الغربة مكاتعلقش بالبلاصة
لي انت فيها ولكن شكون لي معاك واش ناس عزاز
ولا ناس غراب . جا الاثنين الحمدلله قدرت نوقف
على رجليا .. جاب الله ماعندي لافاك تالعشية .. اما

صباح قلت نمشي الخدمة اللهم هي ولا هاد ٤ ديال

الحيوطة لي دايرين بيا .. كل ماطلعات ليا سخانة

كانحس بيهم ضياقو عليا .. مهم مشي لقيت سيبير

مسدود عرفت زكريا يكون مزال خامر ونيت ماجا

حتى وصلات ١٢ - هو: صباح الخير ألفتيرة المريضة

.. ناري كي رجعتي تقول جبدوك من قبر - انا: قبر

..قبورة ..مقبرة .. أي حاجة فهاد سياق الله يعطيك

الستر ماتبقاش ذكرها ليا .. شوف عنقي كي ولا

بلاطراس ديال القجان - ناري أش هادشي ؟؟؟؟ -

كنت غانموت أخويا زكريا ربي جا من جهتي وخلص

وكن ماسي عبد الجبار تاهو كن راني دابا معنقة

التراب - أش طرا؟؟؟؟ وشكون هاد سي عبد

الجبار؟؟؟؟ - ماعرفتو انس ماعرفتو جان بديت

كانعاود ليه بالتفصيل الممل .. وهو مسكين غير
مصدوم مع كايخاف من الروضة حس بالصهد طلع
معاه - واش تسطيتي باغا تحطي مقبرة فنصاصات
دليل واش عندك شي عقل ولا ماتكسابيهش - وانا
قلت نحضي غير الموتى مافراسيش غايخرجو ليا
الحين من جنب - الفقيرة الغبية .. تعاوديه انا لي
غانجي نشق على جدك هاد المرة - كاتخاف عليا
زعمة ههه؟؟؟ - احم .. ماقلتيش ليا شنو قالت ليك
هاديك شوافة فلخر - قالت ليا لصقي فزكريا راه
طالعة ليه طاليان فلفال هه - ح ح حلفي بالله
(سيد تحمس) - نحلف على الكدوب حرام .. راه غير
كانضحك معاك قالت ليا ردي بالك راه ضايرين
بيك غير الأوغاد .. ماعرفت علاش حسيت بيها

كاتقصداك انت كزعيم الأوغاد (طبعاً ماشي هادشي

لي قالت ليا) - كدوب انا رجل نزيه ونبيلا ونجيب

وحميد - هههه (بجدية) قوليا أذكريا باش ماتت

اشراق ؟ - علاش هاد سؤال ؟؟؟ - جاوبني - قالو

ماتت بسكتة قلبية نهار عرسها - وانت شنو كاتقول

؟ - انا ماعارف غير داكشي لي عارفين الناس -

وشكون هو هاد راجل لي كانت غاتزوج بيه ؟ - انا -

اشنو ؟؟؟ - ههههه رجعي لون لوجهك راه غير

كانضحك معاك .. ماعرفتش شكون هو قالو بلي

راجل لباس عليه ويقدر يدير أي حاجة .. مثلاً واحد

المرة صيفط لبوليس لدار اسماعيل.. لولد لي

حضرني لعرسو داك نهار.. كان كايبغيها وتابعها فين

مامشات .. واحد المرة وحدة واخرى عطاوه قتلة

ديال العصا كان غايموت فيها تاب على يديها
ومابقاش كاي دور بساحتها .. اشراق اصلا مكانتش
غاترضى تزوج بواحد مافحالوش .. كانت بنت
طموحة وعزيز عليها المظاهر غاتكوني لاحظتيها من
الحوايح لي خلات .. ملي تعرفات على هاد راجل
قلبات على كلشي حتى من صاحبته مابقاتش
كاتهنصر معاها ... وتخيلي تاحد مكان عارف بلي
نهار لي ماتت فيه كان عرسها .. مها هي لي من
الحرقة والغصة لي كانت شداها بقات كاتقولها
فغواتها : رزاوني فبنتي نهار عرسها - حتى هي
مكانتش متيقة بلي بنتها ماتت موت طبيعي ياك ؟
- طبعا - امممم وبنظرك انت يقدر تكون ماتت
بصح بسكتة قلبية - عندي ٣ ديال الاحتمالات الى

مشاو تاطرارو تقدر تموت بيهم اشراق بسكتة قلبية
الاحتمال الأول: اشراق بنت طموحة.. □ نهار عرسها
الى مشا حتى قالها داك راجل الغني بلي غانحقق
ليك كاع أحلامك ..وحيث حلمها تولى محامية بحالك
غير يقول ليها نخلص ليك فلوس الأهلية ونحل
ليك مكتب المحاماة بابو على باب المحكمة
الابتدائية .. قسما عظما حتى تموت اشراق بالفرحة
الاحتمال الثاني : تسيق لخبار بلي راجلها تاجر □
فالأعضاء ولا رجل مافيا .. وباغي ينصب عليها .. مع
هي دغيا كايطيح ليها طونسيو تموت بالفقصة
الاحتمال الثالث : نهار عرسها يقولها □ فالبلاصة
داك راجل الغني بلي مابقاش باغيها وبلي كتاشف
بلي مزال كايبغي بنت خالتو سميرة .. ومع اشراق

ماكاترضاش غاتموت كارمة - هههه واش كاطنز عليا
أزكريا .. والى قلنا ماتت مقتولة أشنوهما احتمالاتك
- نفس الاحتمالات من زاوية الاخرى الاحتمال الأول:
الرجل الغني يقول الإشراق انا بغيت المرأة تجلس
فدار ما عنديش مع الخروج ودروج وهي تقوليه ياك
واعدتي نولي محامية .. غايعطيها بواحد تصرفيقة
غايطيحها غايجي راسها فوق جنب دسداري لا
الفوطوي الأغنياء عندهم الفوطوي الاحتمال الثاني :
غايسحاب الإشراق غادخل للقفص الذهبي ساعة
أعضائها لي دخلو السوق السوداء الاحتمال الثالث :
بنت خالتو سميرة هنا هي لي كاتبغيه غاتجي تبغي
تقتلو غاتلاح اشراق قدامو .. لا لا اشراق انانية
ماديرهاش .. نعاودوها.. بنت خالتو سميرة غاتقتل

اشراق نيشان حيت دات ليها فارس احلامها ... وهو

عاهاهاهاه بنت خالتو سميرة هي لي قتلات اشراق

ولكن قال اللهم تمشي وحدة ولا يمشيوا جوج -

وناهاهاهاه على احتمالات كن تسمعهم اشراق تعاود

تموت عشرة دلمرات .. اجي كاين احتمال رابع؟؟؟ -

أواهاهاه عييت نفكر ماطاحش عليا - تكون انت لي

قتلتيتها؟؟؟؟؟ ديما هداك لي ماكاتشكش فيه هو لي

كايطلع المجرم فلخر - والله ما انا .. انا راه رجل نبيل

ونزيه و نج - صافي صافي راه غاضاكة معاك ههه -

وعلاش ماتكونيش انتي لي قتلتيها ؟ - يهديك الله

ازكريا انا عمري حتى شفتها كي دايرة - اواهاهاه كانت

داخله عندي فالفايسبوك .. اجي نوريتها ليك ممكن

☐☐ نجمة منين تقراو

———— Part Break ————

الجزء الثامن بقا كايوريني زكريا فتصاور اشراق لي
فلفايس .. ماعرفت علاش جاني وجهها مألوف ..
يمكن بكترة ماكانشوف سميتها وكانلبس حوايجها
جاني بحالا كاعرفها - أنا : كانت زوينة الله يرحمها
فننة .. شكون هاديك لي معاها ؟؟؟ - زكريا : مها -
أنا : (مصدومة): اويلي على مها .. راه ماشي هادي
لي كانت كاتبكي على القبر وعطاتني الحوايج -
أواااه تكون هاديك لي تلاقيتها زعمة خالتها ؟؟ - انا
قالت ليا بلي أنا مها - القضية بدات تزعلك .. كاين
جوج احتمالات أميس لا ثالث لهما .. يا اما تشيرتي
ويبداو يبانو ليك فوسط نهار بسم الله الرحمان
الرحيم ... ولا يكون عندك داك المرض النفسي لي

سميتو الفصام وكايبانو ليك الهلوسات - (بغضب)
زعمة أنا يا حمقة يا حمقة والله يخلف عليك أسي
زكريا ... (جمعت الوقفة) انا نمشي دابا لداك دار
نشوف شكون هاديك المرأة - تسناي نمشي معاك
لا تشوفي تاني شي حد مكينش (خنزرت فيه) غير
كانضحك معاك نونسك فطريق ونحامي عليك الى
كانت شي مناتفة - يالاه زيد قدامي مشينا كاتتابعو
كي البط فالغيس .. وصلنا لدار بدينا كاندقو فالباب
والو تاحد ماخرج عندنا من غير واحد جارة .. هنا
كانت صدمة ملي قالت لينا بلي ام اشراق ماتت
هادي عام بالسرطان .. سولناها ماساكناش ختها ولا
شي حد فعائلتها فهاد دار .. قالت لينا بلي عمر شي
حد جا لهننا .. وبلي اصلا دار خاوية كانت معروضة

للبيع ولكن تاحد مابغا يشريها .. قالت لينا بلي
عندها ساروت الى بغينا نشوفو دار حيت مول دار
الأصلي خلاهم ليها الى بغا يجي شي شرابي ولا
كرابي يشوفها .. قلنا ليها واخا نشوفها .. دخلنا لقينا
دار خاوية كاتصفر حاجة وحدة لي فيها هي الغبرة ..
على عكس اخر مرة دخلت ليها مكاملاش حتى
شهر كانت عامرة ومجهزة ودافية .. ماشي بحال دابا
باردة بحال الصقيع .. مانقدرش نوصف ليكم
أحاساسي فهاد اللحظة حيت صدمة بلوكاتني -
زكريا (بزز باش كانبلع ريقني) واش انا دابا لابسة
الحوايح؟؟ هاد تيليفون واش كاتشوفو؟؟ (بقوة
صدمة وليت كانشك فأني حاجة عندها علاقة بهاد
لبلاصة وليت كانشك حتى فراسي) - اه كانشوفهم

غير تهدني - (بالدموع) واش وليت حمقة ؟؟؟؟؟ -

لا هادشي ضروري مايكون عندو شي تفسير .. انا

متيقك أميس غير حاولي تبقي واقفة على رجلك

.. يالا نخرجو من هاد دار تا انا جابت ليا ضيقة ..

رتاحي ومن بعد نفكرو بشوية علينا ممكن نجمة

منين تقرأو

———— Part Break ————

الجزء التاسع خرجنا أنا وزكريا من داك دار وجلسنا

فواحد جردة قريبة حيث كنت مصدومة ماقادة لا

نهضر لا نتمشى - زكريا: ناري هادشي لي كايطرا

ليك بحال شي فيلم ديال الأشباح ههههه صافي

أميس ماتقلقيش أصلا باينة على هاد جارة كدابة

وحتى الى مكانش كاتكذب أنا متيقك .. باينة شي

تنوعيرة كادور .. مهم حنا غي ناس دراوش ماشي
سوقنا .. نساو هاد القصة ديال اشراق .. ونعيشو
حياتنا عادي - (باحباط) انا بان ليا نرجع لدارنا
ودوارنا نتكمش مااااااخاصني صداع - ههههه يالا
جيتي هادي شهرين ونص وباغا تستلمي .. هادي
هي تولي محامية وتساعدي الفقراء بحالي .. خصك
تولفي على القضايا والأكشن من دابا هه - اشمن
محامية يهديك الله فين هما فلوس الأهلية - صافي
دغيا استسلمتي هه - شكون لي قالك استسلمت
انا راه غانرجع قاضية وندخل جدكم كاملين للحبس
- وعلى مال جدي أنا؟؟؟ كان راجل مزيان غير هو
المرحوم خسر فلوسو على الشيكات وماخلا لينتا
باش نقيوا سنانا .. قالو ليا طلعت نشبه ليه .. جدة

فيما تشوفني دفل ليا على وجهي .. انا شنو
دني؟؟؟ كن أختي ميس نعاود ليك قصتي تبكي
حتى تمخصصي .. أنا كنت .. - صافي عافاك لي فيا
يكفيني .. يلاه نخليك نمشي للافاك عندي حصة
هاد العشية - يلاه نمشيوا تا انا عندي شي غرض
تما - كيفاش غرض؟ - داير نتلاقوا أنا وسومية عند
العتبة)يلاه بغيت نعتارض وهو يزرع عليا (زيدي
زيدي لا تسخفي فالطريق مشينا تغدينا بعدا وركبنا
فطوبيس مشينا لافاك سمحت فيه عند الباب ..
كانت عندنا حصة عند الأستاذ تيتيز دخلت جلست
حدا صحاباتي رباب وجيهان لقيتهم جابدين
الفايسبوك ديالو كايتمنظرو فتصاور .. انا طبعاً على
تصاور لي شفت فصباح حلفت لا زدت شفت شي

حاجة .. ولكن مافيه باس تصويرة ولا جوج غير
نخضر عويناتي على قولة البنات هما لي حلفو عليا
أما كاع ماكنت باغا نشوف .. باينة عليه انسان ناجح
فحياتو مقارنة مع الواقع .. تا انا ماخصنيش
نستسلم وخصني نقاوم باش نولي ناجحة فحياتي ..
شحال داز عليا ملي كنت صغيرة ولكن باقة واقفة
على رجلي الحمدلله .. وحتى دابا غانزيد نوقف
على رجلي طريق مزالا طويلة وانا يالاه بادية
...ماعلينا دازت الحصاة فساعة ونص بزريرة فوجنا
فيها صراحة حيث أستاذنا دمو خفيف هه .. اما
صاحب الدم الثقيل سي زكريا ملي خرجت لقيتو
مزال حذا الباب شاد جموعات مع البنوتات بحال
والو يكون كايعاود ليهم النكات .. سي نورمال طلع

يشبه جدو .. أححح و يسيق ليه باه الخبر بلي
ساد سيبير وعاصر ليه قدام لافاك يتبعو لجدو
مافيهاش .. مهم شافني وجا عندي - زكريا: هاي
هاي داخله مغوبشة وخارجة ضاحكة .. تقول دگو
ليكم السيروتونين (هرمون السعادة) فهاد اللحظة
داز الأستاذ تيتيز فطنويل دغيا سكاناه زكريا - زكريا
: فایت لیا شفتو ؟ واللہ إلى فایت لیا شفتو؟ - أنا:
(باهتمام شدييد) فيين؟؟ - زكريا: جري جري
طوبيس دايز .. سووووميااااا بسلامة تهلاي مشينا
كانجرياو لطوبيس وزكريا كايحاول يتفكر فين شاف
الاستاد - زكريا: فين شفتووو فين شفتووو .. اه
عرفت - أنا: فين؟؟؟ - زكريا: ماشي هو لي متل
فالدور ديال الكاهن سيباستيان لي قتلاتو ألطاگراسيا

ديل تورو فمسلسل المرأة المجرمة - (جاوباتو واحد

البنت كانت تاهي فطوبيس) : ماشي هي راه مها

قتلاتو - زكريا: أوأاااه أنا مزال كانتفرج فيه فقناة هي

المرأة العربية مزال ماوصلوش للحقيقة ... هي قولي

ليا داك شوريفة هي لي قتلاتو خخخخ وشكون لي

قتل وينابينتورا؟؟؟ انا مصدومة وهو شاد ليا

جماعة مع داك البنت وزادو تا جوج عيالات دخلو

فالحوار كايناقشو المسلسل .. بقيت واقفة كي شي

تمثال ماعرفت باش تبليت .. كايبان ليا انا لي نولي

المرأة المجرمة ونقتلو ونتهنى ممكن نجمة منين

□□ تقراو

———— Part Break ————

ي... الجزء العاشر لرجعت لدار بعد نهار طويل وانا
كأنني جثة تتمشى.. مقادرة نفكر فحتى حاجة ولا
ندير أي حاجة بغيت غير هاد نهار يسالي .. ولكن
ملي شفت تيليفونني بدا كايصوني تأكدت بلي نهار
يالاه بدا .. كان المتصل جده .. وجدة مكاتصل الا الى
كانت شي حاجة طارئة ولا رسمية - الو جده لباس
عليك ؟؟ - قطعي قطعي وعاوني صوني انتي
واليني وحلة هادي انا ما عندي حتى درهم فتيلفون
وهي كاتقولي صوني عليا .. على وعدي وسعدي
نضت مشيت لحنوت شريت تعبئة وانا نتلاقى مع
صاحبة اشراق بقات كاتشوف فيا .. وانا درت راسي
ماشفتهاش ودزت تاسمعتها عيطات ليا - هي:
تسناي - شنو؟ - واش كاتجي اشراق شي حاجة ؟؟

- لا - ومنين جاتك الكسوة لي كنتي حاضرة فيها
فالعرس - يخلق من الشبه اربعين فما بالك بلباس
.. والى بغيتي صراحة أه كسوة اشراق صدقوها عليا
من مور ما ماتت - ههههه صدقوها عليك ههههه -
مالكي كاضحكي ؟ - والو غير جاتني غريبة حوايج
اشراق ماكملات على موتها حتى ٣ ايام خداوهم
بنات عائلتها وانا كنت حاضرة ملي خداوهم كلهم
وداك الكسوة بدات تخذات - لعجب - (هضرات ليا
فودنيا بالحس) غايكونو باغين يلفتو بيك الإنتباه
لشي حاجة وبدارجة باغين يصيدو بيك ردي بالك لا
ياكلك القرش مشات وخلاتني مكوفرة .. مافقت
حتى سمعت تيلفون صونا وقطع .. جدة دايرة ليا
طرنونو هاد ليلة .. غير وصلت لدار صونيت عليها -

ألو جدة ياك لباس ؟؟ - ياك أشويطينة انا كانعيط
غير الى كان لباس ... ماتلوحيش عليا انتي شي
جوج دراهم فتيليبوتيك تقولي جدة البلارة ياكما
ناقصاها شي حاجة .. أودي الى ماسمحتش ليك
انتي ومك مايسخنش ليكم لما .. ماعلينا قلبي
بيض ودغيا كايسامح .. لبارح أبنتي ميس تعشيت
بالحريرة كانت صاوباتها الفرارة ديال مرت عمك
جات حالتها غي الما وزغاريت .. توضيت وصليت
واحد جوج ركيعات بالگالسية ماقديت نوض تقلات
عليا داك الحريرة .. ايوا نعست وحلمت بيك ابنتي
ميس لابسة البيض وتابعينك زغاريت - (عاد
فهمت جدة علاش ناوية لداكشي قلت نختصر
عليها طريق) أهاه وشكون هو العريس ؟ - ولد

عمك عمر لي فبرا .. جيتو مواتيين واخا هو زوين
عليك الحق يتقال .. و سبحان الله حلمتكم بليل ..
وهو عيط ليا فصباح .. قاليا جدة الحبيبة راني دفعت
ليك القرعة ديال الحج قلت ليه سير يا ولدي الله
يرضي عليك ويكوّن منك زرع وزريعة .. قاليا هي
الى قلبتي ليا على شي زريعة فين يغبر حمصي ..
قلت له موجودووووودة سعدية بنت بنتي غزاللة
ديها تبدا ترحمني عليها حياتك كاملة .. قاليا هو بغا
شي وحدة قارية .. قلت ليه كالاينة ختها سعاد
قارية حد شهادة .. والعالم كلو كايشهد ليا بالشقا
ونقا .. قاليا لا بغيت شي وحدة فايّة الشهادة قتليه
حتى هادي كالاينا سعيده ختهم لوخرا - جدة
غايقطع خناصري وكلت عليك أأأ حلفتك بالله -

قاليا من لخر بغيت ميس بنت عمي ادريس.. قلت
ليه شغاتجدر بيها فنيانة ومها سحارة - (باعتراض)
جدا||||||| - تقبتي ليا ودنيا الله يتقب
ليك السعد .. صافي ملي باغا تديه وملهوفة عليه
..راني قلت له عطيتها ليك غير عطيووني تيساع .. أه
وراه عطيتو العنوان لي عطيتي لباك.. غدا يجي
يديك وجدي راسك .. عندك الزهر من بنات دوار
بغاك غير انتي امك فقيها صحيح الله يغرق ليها
شقف اصلا أنا كنت بغيت نزوج ولدي دريس بنت
ختي سعدوشية - (قاطعتها) لا جدة انا ماابا... قطع
تيليفون سالات ليا تعبئة .. ويلي على وحلة طحت
فيها ... غانحماماق .. واش مكاتبيني مصيبة تا

██ كاتبعها كارثة ممكن نجمة منين تقرّاو

———— Part Break ————

ي... الجزء الحادي عشر جا نهار الثلاثاء والحمدلله
داز عادي مافيهش الأكشن والرعب .. دوزت صباح
فلافاك ولعشية فالخدمة خرجت منها مع ٦
ومشيت لدار عيانة وليت كي اللفتة اللاوية .. طلعت
لبيتي .. وانا نلقى واحد راجل واقف فسطح
وكيطل دار عندي من بعد ماسمع شهقتي .. كان
راجل فتلاتينات من عمرو طويل ولابس مزيان
ومانكرش بلي زوين كانت مبتسم واحد الابتسامة
عريضة وكأنه كايعرفني - أنا : شكون انت؟؟؟ - هو:
مايمكنش ماتكونيش عرفتيني أمايس انا ولد عمك
عمر .. بلا شك هضرات معك جدة لبارح .. هي
عطاتني العنوان ديالك - عمر ؟؟؟ - اه - ومالك

زوين أأأأ مالك ماعلمتينيش قبل ماتجي ؟ -
ماعنديش نمرتك وجدة علماتك البارح ياك ؟ - اه ..
سمح ليا بغيت نستاضفك لداخل ولكن حرام -
ماشي مشكل تا هنا المنظر زوين .. المقبرة مع
غروب الشمس كاخليك تمعن فالحياة - هه بصح
(بدينا كانطلو بجوج) - غروب العمر الذي لا إشراق
بعده - اشراق؟؟هه مافراسيش ولد عمي شاعر - لا
ماشي ديالي غافيت قريتها فشي بلاصة ههه
ماكاتخافيش هنا؟؟؟ - لا بالعكس كانحس بالأمان ..
الى حسيت بالخوف وانا قريبة ليهم .. باش غانحس
ملي غانكون بيناتهم؟؟ - بصح كلنا غانكونو بيناتهم
ملي يتقضى الأجل وكلنا غايجي نهار لي غاتغرب
علينا فيه شمس اخر مرة - الله يرحمهم والله

يلحقنا بيهم مسلمين - أمين يارب .. ولفتي المدينة

؟؟ - ماشي بزاف ديما كانحس بشي حاجة ناقصاني

.. بحال شي لعبة فيديك ولكن ماشي ديالك -

اممم كاتحسي بيها مكاتماميش ليك .. وكاتخافي

تولي تبغيها ويحيدوها ليك - تمااما - فهاد دنيا تا

حاجة مامضمونة وتاحاجة مادايما .. الحياة قصيرة

وهاد المنظر لي قدامك هو أكبر دليل .. تخيلي واحد

من الموتى بغا يعطيك نصيحة بنظرك أش غايقول

.. سمعي ليه .. والى بغيتي ديرى بنصيحته ديرى -

هه واخا دابا نسولو ههه ولكن نسولك انت بعدا ؟

واش بصح داكشي لي قالت جدة ؟ - على الزواج ؟

اه بصح - بيا انا ؟؟؟؟؟؟؟؟؟؟؟؟؟؟؟ - اه بيبك انتي -

هههههه على قلة البنات - لا ماشي على قلتهم

ولكن على انعدامهم حيت عييت مانقلب على
بحالك مالقيتش هه - (حشمت حنيكاتي حمارو)
هههههههههههه كطنز عليا انا أول مرة انشوفك وانت
كاتقوليا مالقيتش بحالك - ههههه ايوا الغلط ديالك
الى أول مرة تشوفيني .. انا شفتك شحال من مرة ...
يمكن حيت عائلتنا كبيرة مكانباش ليك ولكن أنا
ديما كانميزك .. نجوم سما كتار ولكن القمر واحد -
واش بصح انت من عائلتنا ؟؟؟ هه حيت اغلبنا
طلعنا نشبهو لجدة .. خضرين مانعرفو نهضرو
مانعرفو نغنيوا - ههههه انا طلعت نشبه لعائلة
الواليدة - هههه لالة نفيسة هههه .. (بجدية) عمر انا
نجيك للصراحة مكانفكرش فزواج .. بغيت نقرا
ونخدم ونحقق أحلامي بيدي .. عارفة بلي تقدر

تقوليا باستطاعتي ندير هادشي وانا مزوجة ..
مانكدبش عليك انا ماشي قوية تال هاد درجة
مانقدرش ندير كلشي فدقة.. و يولي همي هو
كيفاش نوفق فالوقت ماشي نستمتع بالمرحلة لي
انا فيها .. بصح كايينين نسا قادرات على كلشي
ولكن انا لا - غير كاتحگري راسك - كاتبيعني
العجل أعمر ولكن ماغاديش نشره هه - هههههههه
كاترفضيني قدام هاد الناس كاملين موقف محرج
ههه - لاا هه ماشي انت لي كنرفضك ولكن فكرة
زواج فهاد الوقت هي لي مرفوضة - جملة ترد
للكبريات بريقه ههه مهم تعطل الوقت خصني
نمشي نتلاقوا مرة واخرى ان شاء الله .. وقبل

مانمشی غانعتیک هاد الهدية المتواضعة بصفتي

ولد عمك - ههه شكرًا اااااااااا - بسلامة

— — — Part Break — — —

الجزء الثاني عشر دازو ايام الأسبوع و بقات للعطلة

یومین وانا ماکرهتش بکل جوارحي نمشي لدارنا ..

ولكن لا حالتني المادية ولا العملية ولا دراسية

كاتسمح - أنا: خصني نبدا نوجد للامتحانات وزيد

عليها الخدمة و يالاه نتكافى مع فلوس الكرا الى زدت

السفر غادي نتذير - زكريا: ماشي مشكل الخدمة

سيمانة مادات ماجابت أنا نتكلف ليك بالحاج (باه)

نقوليه جداتها ماتت وبها شذاتو لاکريز.. اما الکرا

خرجي من عندهم هاد سيمانة وملي ترجعي

قوليليهم عاودتاني بغيت نكري .. و الامتحانات

رخاااااااااااا الله راها كاينة استدراكية ولا يكلف الله
نفسا الا وسعها لي مكتابة ليك راه مكتاااااااااااا - الله
يستر الله يستر كاع اقتراحاتك معوقة - ايوا جلسي
تغملي ليا هنا - انا عارفك علاش كاتحفر بغيتيني
نسافر باش تانت تسد ودير ليهم كان هنا - نجيك
لصراحة سومية عادة مع المجموعة ديال دار شباب
فرحلة وقالت ليا يلاه معنا .. وانتي دايرة ليا العصا
فرويضه الى شافك الحاج جالسة خدامة يبقى
غارسني حداك فين ما يدور يقول ليا شوف للاك -
مسكين تقطع لقلب .. بغيتي تسافر وتفوج قبل
ماتزوج ؟ بغيتي تا انت تولي اجتماعي ومصور
فطوغرافي؟ بغيتي تعيش تحديات وتبت راسك قدام
صحابك؟ راك كاتحلم نوض جمع الوقفة قبل

مانقولها الحاج - ميس المسيمية جيتي فلول
دريوشة لي يشوفك يقول هاد البنت ماكاتحركش
دجاجة على بيضتها - قالك الديب بغا يشفر البيض
وسماها فدجاج .. والله واخا تقول لي قلتي
ماتخليني ننحرف على أخلاقي ونغش فعملي هنا
دخل الحاج وبينة سمع الحوار - الحاج: الله يرضي
عليك أبنتي هاكا يكونو بنات الناس .. ماشي بحال
هاد العتروس لي ولدت.. باه وشنو دار فيه علم الله
البراني .. والله أويليدي ازكريا كن ما مك لي كاتحامي
عليك كن جريت على طاسيلتك شحال هادي -
زكريا: الحا - الحاج: قطع الحس .. سمعي أبنتي
ميس الى بغيتي تمشي لداركم هاد العطلة غير
سيرى عتابريه كونجي .. تا حنا نيت غانمشيوا

نشوفو الواليدة فالبلاد مسكينة - زكريا: (باحتراس)

الا الحاج انا مغاديش - الحاج: شكون قالك

غاتمشي .. اصلا جداتك مكاتحملكش كاتشوفك

كاتشدها لحكة .. غاتجلس هنا تخدم بليل وبنهار

يالاه تعلم تولى راجل مشا الحاج وانا بديت كانضحك

على زكريا وهو مسكين حادر راسو انا يسحابني

مقلق وهو راااه كايصوني على سومية - ألو سومية

قيدي سميتي معكم فالرحلة نهار اثنين راه الحاج

غايسافر صگع ماقداتو فرحة واخا قلت ليه بلي

كايلعب بنار يسيق الحاج الخبر مايعجبو حال قاليا

بلي غايرجع قبل مايرجع هو قلت ليه انت تعرف هه

...ايوا خرجت من الخدمة ومشيت لدار تلاقيت مع

سي عيسى ومراتو واقفين عند الباب .. من بعد

ماسلينا السلام وسؤال على الحال دخلنا فصلب

الموضوع - سي عيسى : ماغاتسافريش أبنتي

میس ؟ - انا: لا - خالتي سعيدة: حنا بعدا

مسافرین نہاراثنين - أنا: (عینیا وساعو) وشکون

غايحضى روضة ؟؟؟ - سی عیسی : هه ماتخافیش

واحد صاحبی هو لی غایتکلف - أنا : أه ایوا الحمدلله

- خالتي سعيدة:المهم انتي ردي البال غير لراسك -

أنا : وَاخَا طَرِيقَ السَّلَامَةِ دَخَلْتُ لِبَيْتِي جَانِي الإِحْبَاطِ ..

اَآو كلشى غايسافر.. غانبقى بوحدى حتى من رباب

وجیہان غایسافرو .. ایوا اللہ یرزقنا من حیث لا

نحتساب

----- Part Break -----

الجزء الثالث عشر ساليينا القرايا وجا نهار الأحد
كلشي مشغول كايوجد للسفر .. وزكريا كايقليليا
فسم كايقوليا ماتنسايش تشري ما زهر وتسقي
القبورة كل صباح .. ماكرهتش نخرج ليه من
تيليفون ولكن عندو زهر بدا تيليفون كايصوني -
المتصل: ألو ميس - ألو شكون ؟؟؟ - أنا عمر ؟ -
ااااا عمر لباس عليك - الحمدلله وانت - الحمدلله
- مهم عيطت ليك باش نقوليك بلي غادي نهار
اثنين للبلاد وغادي نرجع الخميس ان شاء الله
..عارف بلي عندك عطلة .. لداكشي قلت نقولها
ليك الى بغيتي تمشي - اممم ماعرفتش - لمهم
فكري على خاطرك حتى تردي عليا قليل - (زربة
عليه) لالا صافي غانمشي - ههه أوك ندوز عليك غدا

ان شاء الله غير قطع الخط وانا نبدا نقز من الفرحة
.. سيفطت ميساج لذكريا نفقصو .. الله غانمشي
ندووز ٣ ايام فدارنا مع واليديا .. الحمدلله ياربي حيت
ديما واقف معايا وعمرك خيبتيني ماطلع صباح
حتى كنت جامعة كاع كتوباتي وكاع حوايجي
وموجدة راسي وواقفة عند الباب كاتسنى فعمر لي
حتى هو كان عند وعدو وجا فالوقت .. بدا يدخل ليا
الخطري هاد ولد عمي ههه - صباح الخير ميس -
صباح نور عمر - مستعدة ؟؟؟؟؟ - على أتم
استعداد ههه - ههه من الفرحة لي على وجهك باينة
توحشتي عائلتك - بلا قياس أول مرة مانشوفهمش
٣ شهر كاملة .. شكرا حيت بغيتي ديني معاك
للبلاد - كانآمن بواحد المبدأ ديال ان ربي ملي

كايبغي ليك شي حاجة كايسخر ليك عبادو .. انا غير
مسخر وكن ماكنتش كنتي غاتمشي بأي طريقة
حيث ربي هو لي مكتبها ليك - الحمد لله هه بقينا
كانهضرو فالمواضيع بصفة عامة وحننا شادين
طريق .. خرجنا على المدينة وصلنا لواحد البلاصة
كانت فيها منطقة تفتيش وقفونا البوليس وهنا
كانت المفاجئة قالو لينا بلي خصنا نمشيو معهم
لمركز الشرطة .. طبعا حاولنا نعرفو علاش؟؟رفضو
يعطيونا السبب .. حاولنا نحتجوا وبلي هذا اعتقال
تعسفي لكن لا من مجيب .. جبرونا اننا نطلعو
لصطا فيط وحننا مافاهمين حتى لعبة ... المشكل
الكبير ماشي هنا ولكن فأنهم ماداوناش للمركز
الشرطة كيف قالو ... داونا لواحد دار كبيرة وسط

الخلا وخطونا .. دخلونا بز منا وحيديو لينا تليفونات..
قالو لينا عتابرو راسكم ضياف لمدة ٢٤ ساعة .. ملي
دخلنا كانت صدمة الكبيرة لقينا زكريا وسومية ..
صاحبة اشراق وراجلها .. سي عيسى ومراتو ..
وشخص آخر مكانعرفوش .. أما الشخص الغير
المتوقع كان هو الأستاذ تنوري... واخا الموقف محير
ومرعب فنفس الوقت .. ولكن زكريا مزال عندو
الجهد النكت غير هما هاد المرة مكايضحكوش -
زكريا: ههههههه والله الى انتي أميس لي كنتي
ناقصة فرواية جديدة ديال أغااا كريستي هههه - أنا
وعمر: شنو واقع ؟؟؟؟ - زكريا: هههههههه نتسناو
المحقق كونان يجي يقولينا حيت تاحد ماعارف -
الأستاذ: هذا كايعتابر اختطاف وكايعاقب عليه

القانون - صاحبة اشراق : عندنا قاسم واحد مشترك

بيناتنا هو إشراف - الأغلبية سولو : شكون اشراق

؟؟ - اشراق القباب هاد الجواب كان من عند ضيفان

الأخيران .. المرأة لي عطائني حوايج اشراق ولي كان

يسحابني بلي هي مها .. والشخص الآخر هو لي كان

معايا فروضة ولي سميتو أنا عبد الجبار

———— Part Break ————

الجزء الرابع عشر حنا ١١ بينا فدار وحدة كلنا عندنا

تساؤلات وكلنا باغين نعرفو أش طرا وفنفس الوقت

باغين نخرجو من هنا فأسرع وقت - زكريا: ههه ناري

حاس بحالا حنا فشي فيلم ديال رعب واحد فينا لي

غاخرج حي .. أنا من هاد المنبر كنرشح ميس حيث

عندها واحد الزهر كايهرس الحجر هه - أنا: (بجدية)

براقة أزكريا .. بغينا نعرفو شكون لي جابنا لهنّا
وعلاش حنا هنا ؟؟؟ - عبد الجبار: انا لي جيتكم -
الأستاذ: واش عارف أسي بلي هادشي ماشي قانوني
- عبد الجبار: وداكشي لي درتو فبنتي إشراق
قانوني؟؟؟؟ - منال(صاحبة اشراق): على اشراق
بنتك؟؟ - عبد الجبار: اه - منال: ولكن هي من
ديما كانت كاتقول ليا بلي باها مات - عبد الجبار:
داك القصة ماشي مهمة لي مهم هو نعرف شنو لي
طرا فليلة لي ماتت فيها - الأستاذ: أسيدي الى بنتك
ماتت سير علم البوليس وهما يحققو ويديرو
خدمتهم ماشي تختاطفنا هنا - عبد الجبار: كلكم
كدابين الى ماواجهتكمش مع بعضياتكم
ماغاتعارفوش ... دابا عاودو ليا شنو طرا وتقدرو

تمشيوا بحالكم وانا مستعد نعوضكم على هاد
الوقت لي ضاع فهاد اللحظة كلشي صقل .. واش
من الخوف ولا من الفضول الله أعلم.. كلنا بدينا
كانشوفو فبعضياتنا - زكريا: هاد سؤال أسي عبد
الجبار خصك تسولو لراجل إيش - عبد الجبار:

(قاطعو) بلاتي باش عرفتي سميتي عبد

الجبار؟؟؟؟؟؟؟؟ - زكريا: ميس لي قالتها ليا .. سول
ميس؟؟؟ - أنا: ولكن أنا ألمطيور قلت ليك راجل لي
كان معايا فروضة سميتو عبد الجبار غير على الله ..
ولكن انت باش عرفتي داك راجل هو هاد راجل؟؟
(كلشي فهاد اللحظة بدا يشوف فزكريا) - زكريا: لي
قلتي ليا ماعرفتيه انس ماعرفتيه جان جاني لفضول
ومشيت قلبت فواحد الكاميرة فطريق وانا نشوفو ..

وتوقعت انه يكون هو حيت هو لي بان ليا براني على
الحومة .. وبلا مادورو عليا السمطة حيت أنا معارف
حتى لعبة - عبد الجبار: وانت أميس باش عرفتي
سميتي؟؟؟ .. من گااااع سميات لي فدنيا جبتها
لاصقة سبحان الله - أنا: تقدر تقول صدفة أو حدس
.. غير تيق راه ماعندي باش نتبتها ليك .. وزايدون أنا
لاش عطيتوني حوايج اشراق وانا ماعندي تاشي
علاقة بموتها .. واش باغين ديروني فصنارة زعمة
نجدد ليكم سمك القرش لي قتلها - عبد الجبار: دابا
شوفو بالعقل كل واحد يقولينا شنو كايعرف على
إشراق ومن بعد تقدرتمشيوا - منال: كنت صاحبة
اشراق ولكن ملي قربات تزوج قلبات عليا
ومابقيناش كانتشاوفو - اسماعيل: انا كنت كانبغيها

ولكن ملي صافطات هديك العصابة لي كانت
غاتقتلني مابقيتش كاندور بساحتها - زكريا: كنا
كانقراو فنفس الجامعة وصاف - سومية: ماعندي
بيها حتى شي علاقة شفتها شي مرة ولا جوج وغير
من لبعيد بحكم أننا ساكنين فنفس المنطقة - خالي
سعيدة: كنت صاحبة مها وقليل فين كانشوفها -
سي عيسى: انا عساس على المقبرة فين كاين
قبرها .. وقتي كلو كاندوزو مع الموتى لداكشي ملي
كانت حية ماكنتش كانعرفها - الأستاذ:
ماكانعرفهاش - رجل الآخر: ماكانعرفهاش - عمر:
حتى أنا ماكانعرفهاش - زكريا: هاااااااااا نمشيوا بحالنا
يلاه سلام عليكم - عبد الجبار: (غاضب) كلکم
كاتکدبو - الأستاذ: ايوا کن جبتي لینا جهاز کشف

الكذب ولا مصل الحقيقة ولا درتو لينا تنويم
المغناطيس حسن .. أما تبدا تكذب فينا هاكا بلا
حتى دليل راه غير كضيع لينا الوقت - عبد الجبار:
(بحرقه) بغيتي دليل ؟ نتوما كلكم دليل .. كلكم
عارفين بلي كاملين كاتكذبو - الأستاذ: واش انت
معارفش شنو طرا لبنتك عاد نعرفو حنا - منال:
(باستغباء) والى ماعرفتيش انت الدكتور ياسر
شغانقولو حنا ؟؟ - أنا: شكون ياسر آآآه أستاذنا ..
على هو أشمن علاقة بإشراق ؟ - منال: كان كايقرا
الدكتورة ملي حنا كنا كانقراو الإجازة كنا فنفس
الجامعة.. كان ديما معاون اشراق فدروس فالبحوث
فكلشي تقريبا - زكريا: (عاد تفكر) آآآه وانا كانقول
فين شفتو داك نهار - الأستاذ: كنت كانعاونها

ماشي معناها قتلتها .. شوفي انتي الغيرة ديالك
فين وصلاتك ألالة منال - منال: (باستهزاء) أنا نغير
من اشراق ؟؟؟؟ - الأستاذ: اه من ديما كنتي
كاتموتي بالغيرة منها كاتغيري من جمالها من نقطها
من حوايجها لي مشيتي فجنازتها بغيتي تاخديهم ..
كنتي كاتغيري منها حتى على اسماعيل الشمكار
لي كان ديما تابعها وهو لي فلخر قدرتي توصلي ليه -
منال: هه؟؟ وانت لي كنتي غاتموت ملي عرفتيها
كاتعتابرك بحال خوفا الكبير .. درجة وطلعاتك
.. اصلا هي عمرها واعداتك بشي حاجة انت لي كانت
نيتك ناقصة يسحابك حيت زوين غاطيح فيك طول
وعرض وانت غير انتهاري استغلالي كاتنصب على
البنات من بعد ما كاتبين ليهم بلي انت متقف

ورائع وناااجح كاتخذ منهم داكشي لي بغيتي
وترميهم ولكن اشراق عبرات عليك .. تسرطات ليك
الحرقه ديالها ولا مزال فهاد اللحظة قرب مني زكريا
(وقاليا فودني)شاخدة .. الفلم بدا يزيان ههههه

———— Part Break ————

الجزء الخامس عشر : - اسماعيل : وانت أسي زكريا
عاجبك الحال ماتكونش انت لي قتلتيتها ؟ - زكريا:
هههه أنا الحمد لله ماكنت كانغير منها ماكنت
كانغير عليها - اسماعيل : (باستهزاء) هههه قول
هاد الهضرة لشي حد ماكايعرفكش .. كلنا عارفين
بلي انت واشراق كنتو كي القط مع الفار - زكريا:
هههه امتى هادشي انا گاع مافراسي لهما ينزل علينا

شي باطل - اسماعيل : نهار أسي زكريا حصولك
كاتنقل فالامتحان وضربو بيك رابور .. ووقفوك
عامين واليديك يسحابهم راك كاتقرا وانت كاظل
تعصر قدام لافاكات .. شكون لي فضحك ماشي
اشراق.. باك جاتو داك الوقت أزمة قلبية دخلاتو
لسبيطار .. من تما وانت حاقد على اشراق وكاتقلب
غير كي تتناقم منها - زكريا: بالعكس سمحت ليها
حيث أنا مكانحقدش بحالك لي كنتي ضال تابعها
كاتبسل عليها وصافطات ليك البوليس لدار وواخا
هكاك طلعات بنت ناس وتنازلات ليك على وجه
مك ولكن انت شنو درتي تبعيتها للروضة فاش
مشات تزور قبر باها .. كنتي غاتغتاصبها أولد الحرام
فالمقبرة كن ما عويسة (سي عيسى) لي عتقها ..

ولكن تاهي من وراها عبرات عليك ملي صيفطات
ليك لي يربيك .. أجي ماقلتيش لينا شحال من غرزة
خيطوك بيها ؟؟؟؟ هههههه - اسماعيل: (بغضب
واندفاع) غادي نهرس ليك وجهك أ*****
تلاح عليه فهاد اللحظة كن مافكيناهم كن قتلو
بعضياتهم.. عمت لحظات من الصمت كل واحد
كايشوف فلاخور بشك - خالتي سعيدة: (كاتعاير)
براهش كلکم براهش - سومية: ههههههههههههههه
شوفو شكون لي كايهضر .. لي تقتل وتمشي
فالجنازة - خالتي سعيدة: على انا شنو درت ؟؟؟ -
سومية: كنتي صاحبت مها - خالتي سعيدة: وأش
فيها الى كنت صاحبة مها وبحال مها - سومية:
نسيتو بلي ماما حتى هي صاحبتمكم .. كنتي انت

وخالتي حورية (ام اشراق) ماكاتولدوش وبجوج
بيكم كنتو كاتقلبو على بنت تربيوها .. لقيتو اشراق
ولكن انت ماخلاكش راجلك وخدماتها هي .. واخا
كنتي مبينة بلي راكي راضية ولكن فداخل ديالك
كان العكس .. كنتي كاتموتي من لداخل ملي
كاتشوفي اشراق كاتقول لحورية ماما.. كنتي ديما
كاتحاولي تخيبي علاقتهم .. الأم كنتي كاتقولي ليها
زيري بنتك راه خارجة طريق .. والبنت كاتقولي ليها
عيشي حياتك مك راه كانت كادووز لي مادوزو حد ..
خليتي لبنت مسكينة تشك بلي راها بنت الحرام ..
وفنفس الوقت باش تبقى عندك الورقة الرابعة
ضبرتي نتي وراجلك على قبر خاوي وقلتو ليها هدا
باك .. باش ملي تسيق الخبر تكره مها وتحماق -

زكريا: مرات عويسة قالك شيطان باغي يدير عندك
السوايع بشحال تحسبي ليه؟؟؟ههه دورات وجهها
مارضاتش هنا كلشي سكت حيت لي هضر يغرق
ولكن زكريا وتقووول واش يسكت - زكريا: زيد
مابقاش شكون لي باقي مادواش ؟ ولد عمك أميس
وهاد الراجل الأنيق لي فالقنت .. هما لي تأهلوا
للنهنات ههه

———— Part Break ————

ي... الجزء السادس عشر - أنا: غروب العمر الذي لا
إشراق بعده ..شنو كنتي كاتقصد بيه أعمار ؟ - عمر:
كيفاش ؟ - أنا: هاد الجملة كنت قريتها فواحد
الكتاب ديال اشراق كاتباها بخط يديها .. وللصدفة
سمعتها منك داك نهار ملي وصفتي بيها غروب

الشمس على المقبرة .. وعقلتي على الهدية لي
خليتي ليا فآخر اللقاء كانت عبارة عن عطر
وللصدفة كانت عندو نفس الريحه لي فحوايج
اشراق - عمر: اه بصح كنت كانه عرف اشراق .. كان
أول نهار تلاقيتها فيه هو ملي عرفات القبر ديال
باها كان كدبة ..ومها حتى هي كانت كدبة وكلشي
كان فحياتها كدوب .. وبلي هي غير متبنية ..كانت
منهارة لواحد درجة مكاتصورش .. حاولت نواسيها
ولكن كان جرحها أكبر من أنه تعالجو الكلمات ..
كانت بغات تقلب على والديها الحقيقيين وتعرف
علاش تخلوا عليها يمكن يكون عندهم شي عذر
بحال انهم فقراء وما فحالهمش ولا يكونو ماشي
يارادتهم تخلوا عليها.. مزال عاقل قالت ليا الى

بغيتي تعاوني هدا هو دوايا خاصني نلقاهم .. قلت
ليها واخا ..وبدينا كانقلبو بجوج بحالا كانقلبو على
ابرة وسط الخش .. الخيط لي كانقولو يوصلنا
الحقيقة كانلقاوه معقود ومكا يوصل حتى البلاصة ..
رغم انها كانت مجروحة وجنحها مكسور الا أنها
فنفس الوقت كانت قوية وعندها واحد الإرادة
خلاتني نبغيها بلا مانحس ...و أخيرا ومن بعد عامين
لقينا واليديها ولكن ماشي كي توقعنا كانو لباس
عليهم و بإرادتهم تخلوا عليها .. هنا الشوق واللهفة
لي كانت كاتحس به اشراق تحول للكره والحد
ورغبة فالانتقام .. انا فهاد الوقت كانت جاتني فرصة
عمل فالخارج.. من ديما كنت كانحلم بيها .. هنا
عرضت على إشراق زواج .. وقلت ليها نمشيوا لبرا

نبداو حياة جديدة .. ونأسسو العائلة لي ديما كانحلمو
بيها ولكن هي رفضات حيت كان الإنتقام عامي ليها
عينيها .. حاولت نقنعها بجميع الطرق ولكن هي
كانت مصرة .. آخر مرة شفتها قلت ليها أنا عاونتك
باش تلقاي واليديك ولكن أنا مانقدرش نعاونك أنك
دمري حياتك بيديك .. رغبتها لأخر مرة تمشي معايا
ولكن مابغاتش .. ومن تما ماعاودت شفتها .. حتى
جيت صيف ديال هاد العام للمغرب كانقلب عليها ..
وهاد المرة كنت ناوي نديها معايا وخا نعرف
نخطفها .. حيت عمري نسيتهها ولا غانساها .. ولكن
الصدمة هي ملي عرفت بلي ماتت .. ماقدرتش
تقبل موتها وخصوصا أنه كان بسبب مجهول ..
مشيت عند خالتي حورية لقيتها حتى هي ماتت ..

وهنا مشيت عند عائلتها الحقيقية (سي عبد الجبار
والمرأة لي كانت عطاتي الحوايج) لقيت بلي
مافراسهم حتى حاجة واشراق ماعمرها جات
عندهم.. تأسفو لحال بنتهم وبالخصوص ملي
عرفوها شحال وهي كانت كاتقلب عليهم.. وحتى
هما بغاو يعرفو الحقيقة.. واحد نهار وأنا كانهضر مع
جدة قالت ليا بلي واحد بنت عمي (ميس) بغات
تجي للمدينة تقرا فالجامعة راه دايرة القانون وباغا
تولي محامية وبلي راها دكية خص غير لي يوقف
معاها.. هاد الصفات فكروني غير فاشراق .. مهم
طلبات مني جدة نقلب ليها على شي بلاصة فين
تسكن تكون رخيصة وقريبة للجامعة.. هنا جاتني
الفكرة أنني نقلب ليها فشي بلاصة قريبة لسكن

ديال إشراق القديم طبعاً بلا علم بنت عمي ..
الهدف ديالي كان هو أنني نخلي كلشي يتفكر
اشراق ويبدا يعتارف .. ولبسنا بنت عمي نفس
لباس اشراق نفس ريحة اشراق - زكريا: صراحة
صرعتها بعد المرات كان يسحابني اشراق
كاتسكنها هه - أنا: (بحرقه) درتوني بحال المونيكة
تبارك الله عليكم - عمر: ماتخافيش كنا
مكانرمشوش عينينا عليك ... عمري حاولت نغامر
بيك - أنا: (بغضب) عليها قلت لي باغي تزوج بيا ..
كدبتي كدبة و تيقتيها يسحابك صافي حيت
لبستيني حوايج اشراق غاترجعني كلي اشراق
..مريض نفسي ..(بالغوات) ممكن تخرجوني من هنا
حيت مابقيتش قادرة نستحمل تخنفت بنفاق

ديالكم هنا الراجل المجهول لي كان معانا ولي كان
غير كايسمع وساكت جا وسط مننا - هو: واش
بغيتو تعرفو شكون لي قتل اشراق ؟؟؟؟؟؟؟ -
كلنا: شكون انت بعدا ؟؟؟؟؟ - هو: راجلها - زكريا:
اواااه انت هو المليونير ديال اشراق - هو : اه بغيت
اشراق من أول مرة شفتها وحتى هي قالت بلي
بغاتني .. كنت عارف بلي حبها ماشي صادق مدام
أنها مابغات تعرفني على تا واحد من معارفها
وبغات عرسنا يكون سري .. وافقت واخا أنا كنت
بغيت نعرفها على العالم كلو بلي هي مراقي .. ولكن
قلت ماشي مشكل مور ماغانتزوجو غانخليها
تبغيني بصح .. واش بغيتو تعرفو شكون لي قتلها
نهار عرسنا؟؟؟ فالحقيقة نتوما.. كل واحد فيكم كان

عندو دور فموتها :والديها تخلو عليها .. أصدقائها
قالو لأعدائها ماتعرفوش..وحتى الشخص لي كانت
كاتبغي مشا وخلاها ...الروح قتلتوها نتوما ولكن
الجسد قتلاتو هي .. ماتت متناحرة .. الى بغيتو دليل
رجعو ليا تيليفونى رجعو ليه تيليفونو وورانا الفيديو
ديال كاميرا الفندق لي كانت فيه .. كانت اشراق
فواحد الغرفة لابسة لاغوب ديال العرس فلول كانت
كاتبكي بهيستيرية وفالتالي شدات موس وقطعات
بيه شرايين يديها ..الدم عمر كسوتها البيضاء بدات
كاتنزف حتى فقدات الوعي - هو: للأسف ملي
وصلنا لقينا فات الفوت .. وضطريت أنني ندير
سبب الوفاة سكتة قلبية باش تبقى ديما صورتها

نقية

———— Part Break ————

الجزء السابع عشر سلات حفلة الصراحة ..كلشي
حس بتأنيب ضمير حتى من زكريا ثرثار شداتو
اللقوة .. كانوا متقبلين ان اشراق تموت بسكتة قلبية
.. ولكن تموت متناحرة كانت صدمة بحالا يالاه ماتت
.. وبالخصوص أنها معروف عليها قوية ومكاتعرفش
شنو هو الاستسلام أو الانسحاب .. أنها تتناحر
معناها بلي ماتت من داخل هو لول .. علم الله
شحال عانات باش تاخذ هاد القرار .. لقرار لي عمر
شي حد يفكر أن اشراق فكرات فيه .. عيبات
ماتقاتل وفلخر قتلات راسها ...دازو لحظات من
الصمت كأنها أعوام .. الأشخاص لي من صباح وهما

يدابزو ويتاهمو بعضياتهم رجعو بحال شي أجساد
فارغة وكأن العاصفة الأخيرة هبت بأرواحهم .. - أنا:
انا غانمشي بحالي الى بقيت تابعاكم اخرتي غاتكون
بحال اشراق - عمر: تسناي نوصلك - أنا: غاتوصلني
لشي جايحة كتر من هادي - زكريا: يالاه معانا - أنا:
غير سكت انت كتر منو خرجت شديت طريق على
الله نشوف شي أطوسطوب ترجعني منين جيت ...
ولكن والو ناشفة بقيت كاتتمشي حتى رجليا عواجو
.. ولكن لحسن الحظ أو لسوء ماعرفتش ... وقفات
عندي واحد طنوبيل كان راجل اشراق لي سايگها .. -
هو: طلعي نوصلك - لا شكرا بفضل نموت كارمة
على نمشي معاك - على انا شنو درت ؟ - بصح
هادوك الأوغاد هما سباب فكلشي (طلعت معاه)

شوف دخلني غير للمدينة وحطني حدا شي بلاكة
ديال طوبيس - هه واش خايقة مني ؟ - الخوف من
الله .. ولكن ملي جيت لهاد المدينة وأنا كانتلقى
غير مع نصابة .. يسحابني لقيت عائلتي الثانية
ولكن هما غير كايتاغلووني .. تخيل سيهم عويسة
العساس ديال الروضة هو كايمشي يقصر
فالعراسات وانا كانحضي ليه فنصاصات ديال ليل
باش ينقص ليا ٢٠ درهم من الكرا .. أما سيهم
زكريا دايرني كي المونيكة فسيبير كاندير ليه خدمتو
وهو كايفرج يدور ليا مع صحيبته سومية
وكايتخلص من باه على ظهري .. كانقول ماشي
مشكل اللهم هاكا ولا يجريوا عليا ... والأستاذ تيتيز
القودة دياالي وديال أجيال المستقبل طلع كداب و

بو بنات .. أما ولد عمي لي من دمي ولحمي دايرني

فصنارة ولايخني وسط البحر يانغرق يايضربني

البرق .. بيني وبينك بسيف ماتنتاحر اشراق يمكن

انا أكثر وحدة حاسة بيها .. وحتى انت تكون حاس

بيها حيت كنتي كاتبغيها - اه كنت كاتبغيها بلا

قياس ومزال كاتبغيها - آآآآآآآآآآآآآآآآآآآآآآآآ آه تفكرت -

شنو تفكرتي ؟ - واحد ليلة كنت كانحضي روضة

وجات واحد شوافة للمقبرة .. وملي جريت عليها

قالت ليا بلي قدرك غا يكون بحال قدر اشراق...

ههههههههه عاد فهمتها شنو كانت كاتقصد السحارة

لوخرا - ماتخافيش مايكونش قدرك بحالها - وأش

عرفك .. ماعلينا خصني نرحل بأسرع وقت من داك

دار وداك المنطقة كاملة وخصني نخرج حتى من

داك الخدمة اللعينة .. خصني نبدا من زيرو ..ولا
عرفتي شنو نرجع لدوارنا نتزوج بشي راجل
ونتكمش ..ماعندي ماندير بهاد المرض كامل -
ههههه - مالك كاضحك ؟؟؟؟؟؟؟؟؟ - حيت بصح
كاتشبهني للإشراق - ماعرفت واش نعايرك ولا
نقولك شكرا هه يخ نسيت تليفوني ماخديتوش من
عنداك العصابة .. الله ياسيدي ربي حتى داك شقفة
رزاوني فيها - تقدرني تاخدي تليفوني تصوني بيه -
بصح شكرا .. ولكن راني محافظاش رقمي حيت يلاه
جديد .. أنا نصوني على داك الكسول ديال زكريا ..
اممم تاهو محافظاش رقمو .. عندك لانترنت نحل
فايسبوكي نصيفط ليه ميساج - اه تقدرني - شكرااا
..... هانا صيفط ليه قلت ليه يجيب ليا حتى

ساروت من عند عويسة ومراتو حيت كنت ناوية
نمشي لدارنا ندوز هاد العطلة .. ههههه ساعة
غانرجع ليها ندوز فيها حياتي كاملة - ماخصكيش
تياسي بسهولة - مانكدبش عليك أنا من عائلة
فقيرة .. با لمدة ٣ شهور صافط ليا ١٠٠ درهم عييت
بالمكلة ديال صدقات وبعد المرات كانبات بجوع ..
واخا هكاك كنت كانعتابر راسي محظوظة ولكن بعد
ماعرفت ليوم مصدر هاد الحظ عرفت أنه نحس ..
حاسة باحساس داك الجندي لي دخل للحرب عيا
يدافع على ولادو وبلادو وفلخر لقا راسو داخل غير
اللعبة مقمرين عليها القادة شكون فيها لي غايربح
.. سمحليا صدعتك ليوم - بالعكس كايعجبني
نسمع لهموم الناس - سعداتك انا هادشي لي

سمعت ليوم كرهني فحياتي - بغيت نقوليك بلي
داري فدخله ديال المدينة ممكن نخط شي حاجة
فيها ونوصلك من بعدها - هههه ياكما باغي
تخطفني تا انت؟ .. غير كانضحك معاك صافي واخا
وصلنا لدارو بلاتي أشمن دار هادي راه فيلا ماشي
بحال داك الخبرة لي جمعونا فيها قبيلة .. بقيت غير
حالة فمي كي دجاجة - نزلي مرحبا بيك - لا
شوووووووكر!!! غير خليني تالالوكان ترجع على
راحتك - ههه واش خايفة مني ؟ - ومالي مانخافش
ولداتك مي آآآآ زعمة قالت ليا مي تاتدخليش لدير
رجالا .. لا ثقة فعتيقة - ماتخافيش كاينين عائلتي
فدار - ايوا ملي كاين عائلتك واخا قولها من صباح
ياك بعدا ما عندكمش سدادر قاليا داك الكسول بلي

عندكم غير لفوطوي - علاش؟ - مابغيتش نشوف

طلامط هههه

——— Part Break ———

الجزء الثامن عشر دخلنا لداخل قاليا نجلس الى
بغيت شي حاجة نقولها الخدامة تجيبو ليا .. حسيت
براسي بطة ديال شي مسلسل مكسيكي ههه ..
جات عندي الخدامة قلت ليها بغيت غير نمشي
لطواليط نعتاتو ليا .. دخلت ليه وجلست أكثر وقت
ممکن .. خرجت لقيتو كاي تسناني - هو: تعطلتي ؟ -
ههه سمح ليا راک عارفنا البنات ماشي بحالکم
نتوما رجالا (فهمني شنو کانقصد وبدا کایضحک)
صافي نقدرؤ نمشيؤا ؟ - لا مزال - علاش؟؟ - غادي
ناکلو بعدا شي حاجة .. ماجاتش نديک وتمشي

تقلبي على شي گنازة باش تاكلي - هه ماعرف
علاش حسيت بك كاتخشي ليا الهضرة .. راه ماشي
ديما كناكل فالجنازات كاناكل حتى فصدقات
والعراسات ههههههه - هههههههه ماقصدتش نقلل منك
حاشة - ايوا صافي ناكلو.. حشومة نرد الماكلة تنقص
ليا من صداقي .. ومنها نيت تعرفني على عائلتك -
اهاه مرحبا مشينا جلسنا فطبله وعيط للخدمة
قالها تبدا تحط الماكلة .. وتعيط على اسراء - أنا :
اسراء اختك؟؟؟ - هو: لا مراتي - أنا: على انت
مزووج؟؟ هه الله يكمل عليكم بالخير .. عندكم
شي وليدات؟؟؟؟ - هو: لا مزال - اه ايوا الله يرزقكم
درية الصالحة - أمين شكراااا وجات مراتو اسراء ..
فمي تحل على مصرعيه .. أويلي هادي اشراق

بشحمها ولحمها .. غير هي كانت رقيقة بزاف علم

الله اش دار ليها هاد المسخوط - هو: ههه لا بلا

ماتصدمي هادي ماشي اشراق غير كاتشبه ليها -

أنا: كاتشبه ليها؟؟ واش حتى انت مريض نفسي

بحال عمر هههه صافي الى مكانت اشراق تقلبو على

الأربعين شبه ديالها حتى تقاديوهم هههه - هي:

شكون هادي أيونس ؟ - هو: هادي شبيهة اشراق

ماشي فلوجه ولكن فالأخلاق هههه - أنا:ههههههه

اهاه ياكما تا أنا ناوي تزيدني فتشكيلة لي كاتجمع ..

نوووووض نمشي بحالي هاد نهار غير ديال الحماق -

هو: ولكن لي دخل لهاد دار عمرو ماغايخرج منها -

أنا: واش بصح أنا غانعيش فهاد ترف حياتي كاملة

الله .. وماتقولش ليا غاتزوج بيا وغانولد ليك

الوليدات لي ماولداتهمش ليك اشراق أو اسراء - هو:

اه بصح دكية مع راسك وهاكا غاتكوني حققتي تنبأ

الشوافة قدرك وقدر اشراق واحد - أنا: أممممم

واش حتى أنا غادير ليا شي فيديو كاتناحر فيه باش

توريه لعائلتي ههه وتقوليهم بلي داك رباعة دالهيل

هما لي قتلو روحها ولكن جسدها هي لي قتلاتو -

هو: تماااااااااااااا .. وليت معجب بدكاء ديك

أميس - أنا: وغاتبدل ليا حتى أنا سمية؟؟؟ - هو:

ختاري وتعزلي مع راسك سمية وحتى الكنية - أنا:

هادشي لي درتي للإشراق حتى هي مسكينة - هو:

هي لي نتاحرات لراسها .. وأنا ملي رجعتها لدنيا

وولات ديكالي بوحدتي - هي: شكون هاد البنت ومنين

كاتعرف هادشي كامل ؟ - هو: ماتخافيش غايكون

عندكم الوقت بالأعوام باش تتعاودو مع بعضياتكم
.. دابا أميس قولي ليا الانتحار ديالك كيفاش بغيتي
يكون باش نوجدو ليه مسرح الجريمة من دابا - أنا:
بلا تي نفكر أمممممم .. بغيت نتناحر من بعد مانكون
رتاكت جريمة قتل وعرفتي شكون لي بغيتو يكون
ضحية؟؟؟ - هو: بلا ماتفكري فيها حتى التفكير ..
حيث عائلتك كلهم غايكونو ضحايا ديال جريمة قتل
شنيعة غاتبقى متورخة - أنا: هادشي باش هددك أ
اشراق حتى بقيتي ساكتة لمدة عامين .. دفنك
وانت حية ومزال ساكتة - هي: انتي مزال
ماعارفاش هاد المختل النفسي شنو يقدر يدير -
هو: ماتهضروش عليا الله يخليكم بحالا أنا مكاينش
- أنا: وشكون لي قالك انت كاين .. انت راه بلاصتك

صبيطار الحماق (ناض عطاني بواحد تصرفيقة
شفت نجوم كایدورو) - هي: (كاترغبو) عافاك خليها
ماضربهاش الله يخليك - هو: خصها تربى باش
تحني راس بحالكم كاتشبه ليكم - أنا: على شحال
نتوما ؟؟؟؟؟؟ - هو: ولكن انتي كاتشبهني ليها كتر
قرب لعندي وبدا يضرب فيا واشراق كاتحاول
تحامي عليا ولكن عاد مكاتجي دقة فيا دقة فيها ..
كن ما وصلوش البوليس و داك رباعة الهم)
زكريا، عمر، عيسى، عبد الجبار.. مهم كلهم) فالوقت
كن راه قتلنا ولد الحرام .. رباعة الهم تجمعوا على
اشراق حيت توحشوها وماتيقو يشوفوها حية .. وانا
خلاوني وجها لوجه مع هداك ولد الهم طبعا شادينو
لبوليس أما يكمل داكشي لي خاص - هو: شكون

لي عيط ليكم؟؟ - أنا: قالك المريض النفسي ملي
مكايتعالجش كايولي مريض عقلي داكشي لي طرا
ليك أولد الهم تا مارديتيش البال .. يسحابك أنا
حمارة نتعبك وتسد عليا .. كنت عارفك علاش ناوي
يسحابك ماكنتش كانشوفك فالمكتبة كي كاتشوف
فيا (الى عقلتو ملي قلت ليكم عيط شي حد اشراق
وضرت ولقيتو كايشوف فيا) .. واش عرفتي شنو
قالت ليا شوافة بصح داك نهار فروضة ..قالت ليا
راه هاد القبر خاوي تما طلع معايا تناوي - وباش
عرفتيها بلي مزالا حية وكاينة هنا ؟ - قلت نمشي
معاك طلعتي ولد الناس مكايين باس طلعتي ولد
الحرام ندخلوك للفران .. وطبعاً أنا دايرة احتياطي
لداكشي حليت الفايسبوك ديالي فتيليفونك باش

يعرف زكريا لبلاصة منين محلول .. ايوا دابا نوض
تشلل .. الله ياخذ فيك الحق دگدگتني عصا

———— Part Break ————

ي... الجزء التاسع عشر ما قبل الأخير دازت سيمانة
على داك نهار المشؤوم .. كنت ناوية ندوز العطلة
عند واليديا ساعة باش من وجه غانقابل معاهم ...
وجهي عامر كدمات كاع لي كاشوفني كايقوليا
طلقي منو وسيري دعيه وماتنسايش تاخدي النفقة
علولاد .. يسحابهم راجلي لي فرشخني حسبني الله
ونعم الوكيل... والمشكل ليوم رجعنا للقراية جاب
الله سومية الله يخلف عليها دياناتني بشوية ديال
الماكياج سترنا به الزروقية والخضورية .. ايوا هدا

ماكان رجعت لقرايتي وانا كلي اصرار وعزيمة قوى
من لي فات .. عنداك تيقو داكشي لي قلت لهداك
المجرم داك نهار غير كنت بغيت نبين ليه بلي
فاقدة الأمل و بلي أنا ضحية سهلة الإنفراس وبلي
الى ماتحركش دابا راني غانرجع لدارنا وعمرو يعاود
يشوفني .. والحمدلله جاب الله تيسير .. وخا
عظامي مزال مدگدگين عليا شوية ..علم الله كي
دارت إشراق عاشت معاه عامين حابسها فداك
القيلا وكايهددها بمها لي متبنيها ولي هي فالأصل
ماتت مسكينة لعام لي فاتت .. ملي ساقط اشراق
الخبار جاها مسكينة انهيار جاب الله كاين معاها
عمر كايواسيها وواقف بجنبها .. وحتى داك رباعة
الهم ندمو وطلبو منها سماحة ومرة مرة كايمشوا

يشوفوها كنتمنى تبرأ دغيا وترجع قوية كما كانت
من بعد مادوزت صباح فلافاك .. جيت لعشية
للخدمة - زكريا: هاي هاي على الفقيرة الجميلة جا
معاك المكياج - كيفاش جا معايا المكياج على
كنت خايبة بلا بيه - بلاااا كدوب اه كنتي كي
المومياء ديال نيفرتيتي - (مارضيتش) شكاتعرف
فزين ألكسول - مائة مرة قلت ليك ماتبقايش
تقولي ليا الكسول .. أنا ماشي كسول غير الواليد
الله يهديه داك الوقت كان مبزز عليا واحد ضومين
ماكنتش حاملو وماكنت كانفهم فيه تالعة ..
وبالتالي ماكنتش كانعطي فيه - ايوا الله يعطينا
وجهك - فراسك بلي عيطو ليا واحد الجمعية ندير
لتلاميذ ديالها فورماسيون فلانفورماتيك .. وقالو ليا

غايلصوني مزيان .. عرفتني الى مشا صدق ليا هاد
البلان شغاندير؟؟ غانمشي نخطب سوسو
(سومية) - رضا وهاكا نبغيك وانا واعد مني عمري
نعاول نقوليك الكسول الكسول فهاد اللحظة دخلو
عندنا اشراق و عمر - اشراق و عمر: سلام عليكم -
أنا وزكريا : وعليكم السلام - زكريا : ختي اشراق
هاكي الكرسي ترتاحي ماتبقايش واقفة - اشراق: لا
لا شكرا غانمشي لروضة نزور ماما الله يرحمها .. غير
قلنا نطلو عليكم - زكريا : اه يطل عليكم الخير
والربح - عمر: ميس مزال مقلقة مني؟؟ - أنا: انا؟؟
لا بالعكس .. الغاية تبرر الوسيلة .. وانا محظوظة
حيث حطني ربي فهاد طريق - زكريا : مسالامحاك
حيث لاقيتيها بيا .. غير حشمت تقولها هههههههههه -

أنا: هههههه الله يسمح ليك انت نيت على هاد
الكذبة هههههه خلينا عمر وزكريا فسيبير كايقلبو على
شي حاجة وأنا واشراق مشينا للروضة .. وبقينا
كانهضرو فالطريق - هي: كي بقيتي شوية ؟ -
الحمدلله واخا أنا لي خصني نسولك كي بقيتي؟ باز
ليك عشتي مع داك المجرم عامين انا كانتفكر غير
داك نهار كايبغي عقلي يخرج من بلاصتو - كل
ماكانلومو كانزيد نعذرو.. انا غير عامين اما هو نص
من حياتو - كيفاش ؟ - مو كانت مريضة نفسية
وكانت من صغرو كاتعتابرو كي شي دمية ديما
سادة عليه وكاتفرغ فيه هلوساتها وأمراضها ..
هادشي لي قدرت نعرف عليه حيت ملي كاتفكرها
كايولي واحد أخور بحال داك نهار ملي هجم علينا ..

علم الله شنو داز عليه تاهو فهاد اللحظة دخلنا
للمقبرة ودزنا من حدا قبر اشراق .. اشراق وصلات
حداه ووقفات بدات كاتبكي بحرقة بحالا كاتبكي
على شي صاحبته قديمة - هي : قبري .. ياريت كن
كان عامر و ياريت كن كانت هاديك هي موتتي
الأخيرة .. واش عارفة أميس بلي أنا مت قبل من
هاد المرة .. ملي بديت كانقلب على واليديا
الحقيقيين عرفت بلي كانو كاتبين قدام سميتي
الحقيقية فوثائق الولادة ديال سبيطار متوفية ..
ودابا تاني مكتوب على سميتي متوفية .. بحالا القدر
باغيني نموت قبل من الأجل - ممكن نسولك
علاش والديك الحقيقيين تخلوا عليك ؟ - حيت
كنت غير خطأ ديال زواج دام شهر.. شهر عرفو فيه

بلي مامفاهمينش ومايمكنش يكملو مع
بعضياتهم.. وحتى حد فيهم مامستعد يتحمل
الخطأ ديال هاد زواج بوحدو .. لداكشي قررو
يبعدوني عليهم ويعطيوني لشي حد يربيني وهما
يقنعو راسهم بلي انا مت وخطأهم تمحي - واش
قدرتي تسمحي ليهم؟؟ - فلول لا.. لدرجة أنني
تخلت على عمر بسبب حقدي عليهم .. ولكن من
بعد ماعشت مع يونس وعرفت هو شنو عاش..
قلت الحمد لله أنهم ملي مابغاونيش عطاوني للمرأة
صالحة تربيني وتعطيني لحنان لي هما عارفين
راسهم مايقدروش يعطيوه .. حسن ما يخليوني
عايشة معهم وهما ما حاملنيش - دابا شنو غاديري
ترجعي لحياتك لي قبل؟ - اشراق كانت بنت قوية ..

طموحة .. مرحة ..أنانية وكاتبغي راسها .. ولكن أنا
دابا لا .. امرأة ضعيفة ..مكسورة.. بثيسة .. وآخر
حاجة نقدر ندير فدنيا هو نبغي راسي - عرفتني شنو
؟؟ هاد القبر الخاوي غير غايضيع هه علاش
مانعمروهش بكاع المشاعر الحزينة وكاع صفات
الخابية لي كاتحسي بيهم ... انت ماشي غير سمية
حداها كلمة متوفية .. انت انسانة قبل كلشي ..
سوا كانت سميتك اشراق ولا اسراء ولا حتى انتصار
.. كاتبقاي شحص واحد عندو مراحل فحياتو
كايعيشهم بأحاسيس مختلفة .. ماتقسميش
صفات على سميات .. هه أجي واش عرفتني شنو
كاتعني سميت ميس بالشلحة ؟ - لا ماعرفتش -
هي هاديك نيت كاتعني هي مانعرف .. وتخلي

فدوار كلو كايهضر غير بالشلحة وانت سميتك وسط
منهم مانعرف هه كنت كانحس براسي بحال شي
شبح .. وحتى هما نيت الله يخلف عليهم زادو
حسسوني بلي زائدة ناقصة .. وبلي حتى سمية هي
لخرة ماغنديش .. عقدوني ملي كنت صغيرة... وبعد
معاناة وصراع طويل مع دات .. عرفت بلي سمية
غير زواق .. وسمية ماشي هي لي كاتحدد قيمتي ..
أنا لي كانعطي لقيمة لراسي .. والى كنت ليوم
ضعيفة غدا نكون قوية الحياة ماغندهاش حكم
واحد .. صافي تزايدتي قوية غاتبقاي قوية حتى تموتي
لا ضروري مانهار تعطيك ونهار تخلي دار عشتك

———— Part Break ————

الجزء العشرين والأخير مرت بضع أشهر وأخيرا سالا
العام دراسي .. وسالا الشتاء المخيف و الربيع
اللطيف وجا الصيف المريح .. الله غانرجع لدارنا
عند واليديا .. أنا دابا جالسة فالكار حدا سرجم
ودكريات ديال هاد العام كاتدوز من قدام عيني بحال
هاد المناظر الطبيعية .. فاش جيت أول مرة للمدينة
كان صعب عليا أنني نتأقلم فبلاصة غريبة ومع
ناس غير مألوفة .. ولكن ماعرفتش كيفاش وليت
كانحس بلي أنا منهم .. لدرجة أن زكريا فاش مشا
يخطب سومية داني مع عائلتو.. العفيريت وفا
بوعدو غير شد أول خلصة من خدمتو لي كايبغي
مشا خطبها كايجري ودابا ملي ترسم فخدمتو بداو
يوجدو للعرس .. والحاج عتارف بغلطو وأن ولدو لي

كان كايغيط ليه الفاشل كان فالأصل قرارو هو لي
فاشل ملي بغا يبرز عليه شي حاجة ماباغيهاش ..
اما اشراق من بعد جلسات العلاج نفسي لي تبعات
ولات كاتلقى راسها ومن بعد ماستاعدات عافيتها
قررات انها تقبل تزوج بعمر وتمشي معاه لبرا
وماشي تبدا حياة جديدة ولكن تكمل حياتها تعلم
من أغلاطها وتزيد طور من راسها وحتى علاقتها مع
عائلتها الحقيقية رجعات مزيانة ..اما الأستاذ تيتيز
قدوة الأجيال تزوج وبيناتنا مابقاش كايثفلفل ..
منال واسماعيل تزادت عندهم بنت دابا عاد بداو
كايحسو شنو دارو فاشراق ملي ولاو كايخافو على
بنتهم .. أما سي عيسى وخالتي سعيدة مزال
كايكملو حياتهم مقاتلين مع زمان ..وهذا مكان

...هاد العام كان عامر بدروس ليا ماشي غير
فالقانون ولكن حتى فالحياة .. كنتمنى يدوز العام
جاي حسن من هدا .. وكنتمنى كذلك تكون أيامكم
الجايا حسن من لي فات شكرااا على المتابعة تمت
بحمد الله

———— Part Break ————

ي... الجزء الأول كاينين جوج أنواع ديال الناس فهاد
الدنيا .. النوع الأول لي ماعندو زهر تا فخلا دار بوه ..
والنوع الثاني عندو زهر كايهرس الحجر .. أنا وبكل
تواضع من الفصيلة تانية غير هو زهري ماشي
كيهرس الحجر كيفرتتو .. احم احم .. مهم أنا هي
الحفيدة ٣١ فطاسيلت الوليد والإبنة التاسعة عند
واليديا .. وفعادتنا وتقاليدينا بالمنطقة لي ساكنين

فيها وهي عبارة عن قرية صغيرة فأحد الجبال ..
الجدة هي لي كتسمي الحفيد والجد هو لي كيدبح
على تسمية .. وحيث أنا هي الحفيدة ٣١ بلا لي ماتو
.. جدة تقداو ليها سميات وجدي حلف لا عاود دبج
شي حولي من بعد رفسة لي دار ليه آخر أضحية ولي
دخلاتو سيمانة فكومة .. لداكشي جابو ليا جزار من
المدينة ولي سول جدة على سمية لي غاتسميني
بيها وقالت ليه "مايس" زعمة بشلحة مانعرف ..
وحيث الجزار مكاي فهمش الشلحة يسحابو مايس
هي السمية المختارة لداكشي دبج عليها .. بيني
وبينكم حسن من رقوش وفتوش إلخ ... نكملو
فالمهم .. قدريت وكملت قرايتي الحمد لله وخديت
الباك وكنت أول بنت تاخذ الباك فدوار .. يالا فرحتي

.. ولكن يالا صدمتي ملي عرفت لباك مكايسوا والو

.. لداكشي قررت نكمل قرايتي فالجامعة لي

فالمدينة .. و لي مشيت ليها قبل شهر من القرية

باش نتأقلم .. عائلتي مكان عندهم تا اعتراض حيت

عندنا بنادم بزائد .. الفائض فالموارد البشرية .. إيوا

ومشيت لمدينة وضبرت على واحد البويت فسطح

للسكن ب ٢٠٠٠ ريال لشهر .. والماكلة من عندهم

ههه .. ماتيقتونيش ياك ؟؟ هذا هو الزهر لي قلت

ليكم عليه .. وصراحة تا أنا زدت فيه شوية .. لبيت

لي قلت ليكم عليه جات قدامو روضة ومول دار سي

عيسى هو العساس ديالها .. وحيث ختكم فقيرة +

بخيلة .. كناكل غير فصدقات وبعد المرات كنقني

على شي ميت الله يسمح ليا وكانتبع عائلتو لدار

لعزو .. ولا كنحسب ربعين لشي ميت قديم .. الله
يسمح ليا ويغفر ليا ولكن غير نتفرح شوية ونشد
فراسي نولي نشري ماكلتي .. مهم ندوزو الأمور
العملية من بعد ماقلب عليا السعد شي يامات
ونظرا لإفتقاري للخبرات لقيت خدمة فواحد سيبير
ب ٥٠٠ درهم لشهر .. خدمة مزيانة صراحة
وبالخصوص لوحدة يلاه جايا من العروبية .. ولي
مكاتعرف لكلافي من لاسوري فسيمانة ولا عندي
gmail pinterest فايسبوك تويتر أنستغرام تمبلر
فين ما قلبتي تلقاني ووليت مشهورة hotmail
فعالم تواصل الإجتماعي .. وحاليا أنا فسيمانة تانية
وطموحي نولي هاكر إن شاء الله بحال زكريا الولد لي
خدام معايا فعمرو شي ٢٧ عام هو ولد مول سيبير

وهو لي علمني لبيسي.. مرة كانخدمو بجوج مرة كل

واحد فينا كاخدم نص نهار مهم القضية محرقة هه